

月令粹編

月令粹編卷二十二

補遺

歲令總補

枌榆社更記封禪書高祖初起禱豐枌榆社後天下已定

祠之

勸民農桑漢書龔遂傳遂為渤海太守見齊俗奢侈好末

得不趨田畝秋冬課收斂益畜果實菱芡

四時上簿後漢書百官志天司農掌諸錢穀金帛諸貨幣

別之

青苗錢唐書食貨志大厯元年詔天下苗一畝稅錢十五

市經貨給百官手力課以國用急不及秋方苗青

租庸調唐書食貨志凡授田者丁歲輸粟二斛稻三斛謂

之一編三兩麻三斤謂之調用人之力歲二

舊馬歲至宋史食貨志南渡來文黎珍叙南平長寧

貿易宋史地理志朔方樓煩馬之所

潁川芝古今注建初五年芝出潁川常以六月中生一葉

五歲五重春青夏紫秋白冬黑十月後黃氣出上

鸛雞歲集拾遺記堯在位七十

星池水色

拾遺記員嶠之山西有星池周千里水色隨四時變化

孤桑樹

拾遺記西海之濱有孤桑之樹直上千尋葉紅樞紫萬歲一實食之後天而老

因霄國

拾遺記西方有因霄之國人皆善嘯丈夫嘯聞百

春夏則聲沉下人舌尖虛倒向喉內亦曰兩舌重省以

爪徐刮之則嘯聲愈遠故昌氏春秋云反舌殊鄉之國

神

枕仙傳漢武帝東巡狩見泰山父老頭上有白光高

枕中有三十二物其三十二物中有二十四物以當二

十四氣入毒以應八風臣行之轉老為少黑髮更生齒

東臺湖

水經注壽春外郭東側有一湖三春九夏紅荷覆水引漬城隍水積成潭謂之東臺湖

蘭陵雙鶴

神境記萊陽郡西有蘭陵山常有雙鶴素羽儼然日夕偶影翔集傳云昔夫婦俱隱此山年數

百歲化成此鶴後一旦一鶴為人所害其一鶴歲常哀鳴至今響動巖谷莫知年歲

虹飲金

翼苑晉陵薛願義熙初有虹飲其金須臾便竭願灌以酒隨吐金滿器于是豐富歲臻

柴都

元中記東方柴都在齊國有山山有泉如井深不測至春夏時雷從井出常敗五穀土人以柴塞之即止

故號柴都

期歲試兒

顏氏家訓江南風俗兒生一暮為製新衣盥浴裝飾男則用弓矢紙筆女則刀尺絨縷並加飲食之物及珍寶服玩置之兒前觀其發意所取以驗貪

廉愚智名之為試兒宋史曹彬傳彬始生周歲父母以百玩之具羅于席觀其所取彬左手持干戈右手持

焉者國俗

西陽雜俎焉者國元日二月八日婆摩遮三日野祀四月十五日遊林五月五日彌勒下生七

月七日祀先祖九月九日牀撤十月十日王爲厭法王  
出首領家首領騎王馬一日一夜處分王事十月十四  
日作樂

至歲窮

不爐不扇

談苑宋仁宗暑月不揮扇以拂子歐蚊蠅而已

御雍傳雍爲學堅苦刻勵冬不爐暑不扇夜不就席

者數年程顥嘗與議論歎曰堯夫內聖外王之學也

木馬凌牀

夢溪筆談信安滄景之間多蚊蚋夏月牛馬皆

逸不可制行人以獨輪小車馬鞍蒙之以乘謂

之木馬冬月作小坐牀冰上曳之謂之凌牀

飛流水

雷陽風土記荆江出巴蜀自高注下濁流洶湧夏

之離

流水

天成石井

臨海記郡東北二十五里任曾逸家有一石井

自然天成非人力所造井深四丈常有湧泉大

水不溢大旱不竭夏絕香冷冬至甜溫長老相傳

瓊林宴玉海每歲駕幸金明池則并至瓊林苑中上巳重陽唯中書密院或宗室及殿前諸司選勝賜宴遇

放榜進士聞喜宴於此

天方國續文獻通考天方在海西之盡舊名天堂國風景融和四時皆春田沃和饒民以安樂

九真齋雲笈七籤秘言云正月三月四月六月七月八月九月十月十一月此九真齋月一日十五日二十

九日此月中三齋日

每月令補

朝日引見漢書于定國傳上數以朝日引見丞相御史入受詔條責以職事注五日一聽朝故云朝日也

入見而陳魏書范紹傳紹量功節用甄煩就簡凡有賜給千匹以上皆別表奏然後出之威太后嘉其用

心勅紹每月人見諸有益

國利民之事皆令面陳

封事三條

北史詔公卿以下每月上封事三條極言得失

蕃客奏事

唐書百官志蕃客奏事員至日月及所奏

尚食月會

唐書百官志膳部郎中員外郎各一人

進班簿

宋史職官志慶禮奉表則東上閣門掌之

旬課

宋史兵志器甲之制京師所造十日一

閱馬臺

郭中記趙王石虎造閱馬臺在城西

學士召對

翰休志德宗雅尚文學乘輿每幸學士院顧問

移於金鑾殿對御起草



三日主印

唐詩紀事牛僧孺赴舉投贊於劉補闕禹錫對客展卷飛筆塗竄其文歷二十餘歲劉轉汝州

公、南枉道駐旌信宿酒酬賦詩劉方悟往年改公

文、伯孺詩曰莫嫌竹酒輕言語曾把文章謁後塵禹

錫和云猶有當時舊冠劍待公三日拂埃塵牛公吟和

詩前意稍解曰三日之事何敢當焉汪宰相三朝後主

印可以升

降百司也

虹霓入庭

祥驗集韋臯鎮蜀嘗宴客郡西亭暴風雨俄頃而霽忽虹霓自空而下直入庭垂首於筵上吸

食飲且盡糾碧相映後

旬餘有詔就拜中書令

月六參

雞林類事高麗國官月六參文班七百十員武班

則膝行而前得旨復膝

行而退至當級乃步

印度小盡

二十九月日為小盡印度以十四日為小盡中國以

之十六日乃印  
度之初一日也

# 春總補

泰春君

漢書爰敬傳上曰本言都泰地者與敬與者劉也

以其首勸都關  
中故號泰春

春月柳

晉書王恭傳恭美姿儀人多愛

望春亭

唐書公主傳趙國莊懿公主下嫁魏博節度使田

東南高  
原之上

苑池異鳥

唐書閻立本傳太宗與侍臣泛舟春苑池見異

競渡

唐書杜亞傳拜淮南節度方春南民為競渡戲亞

春水服飾金史輿服志其從春水之服

應春花陸機費覽九花樹生南岳雖經雪凝

桃花行景龍文館記四年春上宴於桃花園羣臣畢從學士李嶠等各獻桃花詩上令宮女歌之辭既清婉

歌仍妙絕獻詩者皆同萬歲上勅太

樓車載樂開天遺事揚國忠子弟恃后族之貴極於奢侈每遊春之際以大車結綵帛為樓載女樂數十

人自私第聲樂前引出遊園苑中長安豪民貴族皆效之

聽黃鵠聲雲仙雜記戴仲若春鴈雙柑斗酒人間何之曰往聽黃鵠聲此俗耳

西池春遊清尊錄西池春遊都人士女羣集自諸王邸第及公侯戚里中貴人家蒔幕車馬相屬歌妓舞

姬皆飾璫翠佩珠星覽鏡顧形人人自謂傾國

禁苑賞花

春堂賞杏花  
記禁中賞花非一起  
自梅堂賞梅別

海棠至於鍾美堂大花為極盛堂前三面皆以花石為  
臺三層各植名品標以象牌覆以碧幕臺後分植玉蘭  
繡毼數百株儼如鏤玉屏堂內左右各列三層雕花衫  
檻護以彩色牡丹畫衣間列銀玉水晶金盞及大食玻  
璃等瓶各簪奇品如姚魏御衣黃照殿紅之類幾千朵  
別以銀箔間貼大斛分種數十百窠分列四面梁棟窓  
戶間亦以相筒野花續次簇插何翅萬朶至春暮則  
古堂會臨堂賞雙花靜侶亭紫笑淨香亭采蘭挑弄則  
春事已在綠陰芳草間矣

延春閣

王海寶元元年改萬春閣為延春閣閣在禁  
中北臨後苑遊幸之所也兩壁畫農家蠶織

灌木春盤

古琴疏梁武帝賜張率玉琴一張琴  
首金嵌灌木春盤四字以上春總

越裳獻雉

漢書元始元年正月越裳氏重譯獻  
白雉一黑雉二詔使三公以薦宗廟

剛卯

漢書正月剛卯注剛卯以正月卯日作佩之長三寸廣一寸四方或用玉或用金或用桃著革帶佩之銘

其一面曰正月剛卯璽子錄關中王君求家有古物似玉長短廣狹正如中指上有四字非篆非隸上二字乃正月也下二字不可認問之云前漢剛卯字也漢人以正月卯日作佩之銘其一面曰正月剛卯蓋剛者強也卯者劉也正月佩之尊國姓也

青龍見

魏志青龍元年春正月甲申青龍見邠之摩陂井中二月丁酉幸摩陂觀龍於是改年改摩陂為龍

陂晉書秦始五年春正月青龍二見於滎陽

神魚躍

宋書符瑞志元和三年正月車駕北巡以太平具祠北岳有神魚躍出十數至海景龍三年春正月

明皇至於襄垣漳水有赤鯉騰躍聖皇之瑞也

白繒蒙玉

宋書禮志高陽氏以十一月為正蒙玉以赤繒高辛氏以十三月為正蒙玉以白繒

山稱萬歲

魏書禮志云：皇帝即位三年正月，遣有司詣華岳修廟，立碑數十人，在山上開虛中，若音聲。

薛中稱萬歲云

西泉涌

魏書靈徵志：太和八年正月，上谷郡惠化寺醴泉涌，泉而醴，泉水之精也。味甘美，王者修治則出。

辭登御牀

世說：元帝正會，引王丞相登御牀。王公固辭，中宗引之，彌苦。王公曰：使太陽與萬物同輝，臣下

何以辭仰

以上孟春

道暑

周禮：春官籥章，中春晝擊土鼓，敝幽詩以道暑。疏：中春晝夜等已後，漸暄，故預迎之耳。

鳳凰集

後漢書：元和二年二月，己未，鳳凰集肥城。

巨女

西域記：伽藍北有仙人，隱居巖谷，仲春之月，鼓擢清

之收而養焉。後令求火，至於仙壚，足所踏地，跡皆有蓮花。以上仲春。

鹿亦麋虎漢書太始二年三月詔曰往者朕郊見上帝西

見黃金宜改故名今更黃金為麟趾

裏蹠以協瑞焉因以班賜諸侯王

獺西淺獸肥與族兄子丹獵於鄴西終日手獲麋鹿九

雉兔

三十

連理樹十六國春秋後秦宏始三年春

賞花釣魚閩見後錄嘉祐六年三月仁宗皇帝幸後苑召

詩宰相韓琦以下皆和帝賜稱賞韓琦輕

陰閣雨迎天步寒色留春送壽杯之句

彩虹入井南部新書永貞二年三月彩虹入潤州大將張

吾尊愿

方鎮

月桂降

名勝志台州郡署有川桂齋唐垂拱四年三月夜

冬官侍郎狄仁傑以開以上季春

正月日次補

桃人

元中記今人正朝作兩桃人立門

續命齋

雲笈七籤靈寶曰正月

傳坐

秦中歲時記唐長安風俗從正

小年朝

杭州府志正月初三日謂之

鄭公人日

劉賓客嘉話錄魏鄭公嘗出行以正月七日謁

遊藝頤山

蘇轍踏青詩序斛之東門十數里有山曰藝頤



相與遊嬉飲酒於其上謂之踏青名勝志人  
日出東郊渡玻璃江遊慕頤山肩之故事也

移仗

唐六典開元十六年正月十  
三日移仗於興慶宮聽政

涼州燈

集異記明皇觀燈於上陽宮召葉法善觀於樓下  
法善曰燈固盛矣西涼今夕之燈亦不亞此上曰

可得一往乎法善令上閉目上依其言閉目距躍身在  
霄漢已而足及地法善曰可以觀矣既視燈燭連亘十  
數里車馬駢闐士女紛雜上稱其盛久之法善曰觀覽  
畢可回矣復閉目與法善騰虛而上俄傾還故處而樓  
下歌吹猶未終

影燈

影燈記洛陽人家以影燈多者為上其相勝之辭曰  
一影萬影宋史樂志三元觀燈白唐以後常於正月

望夜開坊市門然燈宋因之上元前後各一日城中張  
燈大內正門結綵為山樓影燈起露臺教坊陳百戲范  
成大吳郡志上元影燈巧麗他郡莫及有萬眼羅及疏  
璃毬者尤妙天下注萬眼燈以碎羅紅白間砌多至萬

眼琉璃燈每  
一隙映成一花

琉璃泡燈

乾淳歲時記  
幽坊靜巷好事之家  
多設五色琉璃泡燈更自雅潔

太平

鼓帝京景物畧  
元夕童子拋  
鼓傍晚向曉曰太平鼓

綵樓選詩

唐詩紀事  
中宗正月晦日幸昆明池賦詩羣臣  
應制百餘篇帳殿前結綵樓命上官昭容選一

首爲新翻御製曲從臣悉集其下須臾紙落如飛各認  
其名而快之惟沈宋二詩不下又移時一紙飛墜乃沈  
詩也及聞其評云沈詩落句云微臣彫朽質羞覩像章  
材詞氣已竭宋詩云不愁明月盡自有夜珠來猶涉健  
舉沈乃伏不敢爭

## 二月日次補

燕口洞開

樂史總仙記  
淳化元年昇州奏二月十五日夜  
忽有雷聲茅山燕口洞宮石開二尺裏面得銅

鐵錢三

十一文

御崇政殿

三月日次補

樂遊苑禊飲

宋畧文帝元嘉十一年三月丙申禊飲於樂

會者咸作詩詔顏延年作序顏延年三月三日曲水詩

序日躔胃維月軌青陸皇祇發生之始后王布和之辰

思對上靈之心以惠庶萌之願加以二王于邁出錢

戒告有詔掌故爰命司懸獻洛飲之禮具上巳之儀

收桃花片

四月時纂要三月三日取烏雞血和塗面及身光白如玉

手裏行厨

上巳手裏行厨

問訊家眷

前與骨肉相見縱其問訊家眷更相贈遺一日

之內人  
有千萬

盪邪齋

靈寶經三月三日修盪邪齋

賞花後苑

玉海淳化五年三月六日宋太宗召近臣賞花

人上亦賦詩以賜宰相呂蒙正等因習射上中的者六張樂飲酒羣臣盡醉

賜宴改日

容齋續筆文宗開成元年歸德為京兆尹時兩

宴奏請改日上日去年重陽取九月十日未失重陽之意今改取十三可也

夏總補

勝門受餉

南史何思澄傳父敬叔齊長城令有能名在縣

米二千餘斛他物稱是悉以代貧人輸租

夏卿

隋書百官志天監七年加置太府卿以少府為少府卿加置太僕卿三卿是為夏卿

服雲母

抱朴子雲母五色其多赤者名雲珠宜以夏服之

電母琴

古琴疏帝俊有琴曰電母每夏月電光一照則絃自鳴

蛇醫致雨

西陽雜俎王彥威在汴州夏旱時袁王傳季玘寓汴因宴王以早為言季玘曰欲雨甚易耳可

求蛇醫四頭十石甕二枚每甕實以水浮二蛇醫以木蓋蜜泥之分置於閒處幾前後設席燒香選小兒十歲

已下十餘令執小青竹晝夜更擊其甕不得少輟王如言試之一日兩夜兩大注舊說能與蛇師為親家焉

夏月冰雪

仙雜記長安冰雪至夏月則價等金壁白少

饋日

長夏門

王海西京宮城南三門中曰長夏

如是

清官池亭

楚小志清官即楚頃襄王之離宮而宋玉之故宅也相傳城西南某衛尉別業尚是五代高從誨池亭故地夏時藕花菱葉清澗碧漪彷彿南朝餘蘊

勾漏洞天

西事理勾漏洞天四面石山圍繞中開平野數里洞在地上不煩登涉外微敞豁中有暗溪穿貫而入與北流水合結小杼坐其上命諸師詰曲而行水無底兩岸石如虎豹獠獍行約里許仰見一大星炯然細視乃石孔透天光也洞對高崖上夏時望見荷葉田然峻絕不可到土人云或見荷花則歲大稔

夏駕山

名勝志蕭山縣西翠嶂山一名夏駕山夏駕者以夏時水漲此山若駕於湖中也以上夏總

進銅鼓

又景德元年四月辛亥南蠻進銅鼓以請內附

潤二尺五寸旁有四耳銜

玉盤盂

蘇軾玉盤盂詩序東武舊俗每歲四月大會於南禪資福兩寺以芍藥供佛而今歲最盛凡七千餘

朶皆重踏累等繁麗豐碩中有白花正圓如覆孟其下  
十餘葉稍大承之如盤姿格絕異獨出於七千朶之上  
而其名理甚  
乃為易之

# 酒庫開

乾淳歲時記戶部檢點所十三酒庫例於四月初開煮九月初開清先是提領所呈樣品嘗然

後迎引至諸所隸官府而散每庫各用正布書庫名高  
品以長竿懸之謂之市牌以木牀鐵架為仙佛鬼神之  
類駕空飛動謂之臺閣雜劇百戲諸藝各庫爭謂新好  
庫妓之爭爭者皆珠翠盛飾鋪金紅肯乘總轡寶勒駿  
騎少年狎客往往簇簪持盃爭勸馬首所經之地高樓  
邃閣繡幕如雲累足駢肩蓋真所謂萬人海也  
孟夏以上

# 進黃道游儀

集賢注記開元十二年五月沙門一行初奉詔改修歷

經以舊無黃道游儀測候稍難梁令瓚刻木作小樣進  
呈上令一行參考以為精密始就院更以銅鐵為之凡

二年功乃成至  
是上之上稱善

瑞石

唐會要武德三年五月郇州  
獻瑞石有文曰天下萬年

德潤泉

玉海雍熙二年五月西鳳翔府言岐山縣周公  
廟有泉忽涌出者舊相傳時平則流世亂則竭唐

安史之亂泉竭至大中年復流號德潤泉自後有涸今  
忽涌清澄甘潔甚異於常因圖之以進以上仲夏

常堅冰

往陽維羅順宗即位歲拘弭國貢常堅冰云其國  
有大壑山中有冰千年不釋及肅至京師潔冷如

故雖盛暑赫日終不消  
嚼之即與中國者無異

上清童子

傳異記琴文本避暑山亭忽有報上清童子參  
玄淺色青衣曰此上清五銖服出門不見文本

掘得古錢一枚  
曰是錢帛曰盛

耘田鼓

唐詩紀事歐陽迴與僧可朋為友是歲酷暑中歐  
陽命同僚納涼於淨衆寺依林亭列樽俎寺外皆



耕者曝背烈日中耘田擊腰鼓以適倦可朋遂作耘田鼓詩以贊歐陽遂命撤飲詩曰農舍田頭鼓王孫筵上

鼓擊鼓兮背爲鼓一何樂兮一何苦上有烈日下有焦土願我天翁降之以雨

靜坐避暑

玉淵雜書歐陽文忠嘗問杜祁公何以禦暑公曰惟靜坐可以避暑

竝蒂瓜桃

玉海祥符元年六月乙卯出竝蒂瓜桃示輔臣

穆陀樹葉

瑯嬛記昔有客過茅君時當大暑茅君於手巾內解茶葉人與一葉客食之五內清涼異而詰

其所從來茅君曰此蓬萊山穆陀樹葉衆仙食之以當飲

風洞

昌平山水記素谷亦謂之寒谷山有風洞洞口風氣凜冽盛夏人不敢入

白龍潭

輝縣志白龍潭在鴨子口西南飛練洒雪恍似玉龍倒臥崖壁間噌吰鏗鏘響震岩谷乍觀者多却

步不敢俯視遇盛夏雷雨交作往往有白龍見雲際

雪谷潭

袁州府志仰山在城南八十里周迴數百里

也絕頂為集雲峯夏時雲氣覆頂則雨立至以上季夏

四月日次補

水蟲上弩

廣州記水弩蟲四月一日

雄雉飛集

唐會要貞觀十六年四月二日有雄雉飛集明

文公時有童子化為雉雌者鳴於陳倉雄者鳴於南陽童子言得雌者伯文公遂以為寶雞祠漢光武得雄遂起南陽而有四海陛下舊封秦王故雄雉見於秦地所以彰表明德也上大悅曰立身之道不可無學

服生衣

齊人月令四月

五色香水

高僧傳摩訶利頭四月八日浴佛以都梁香為青色水鬱金香為赤色水邱隆香為白色水附

子香為黃色水安息香  
為黑色水以灌佛頂

指天餒餒月八日指天餒餒

周孝侯生沉舟錄三月乙丑達宜興四月戊辰朔

阿禿師神僧傳釋阿禿師不居寺舍出入民間語謠必有

防守當月城三門各有一禿師四月八日於鴈門郡市捨命郭

下眾以香花送之埋於城外并州人笑之云四月八日

禿師從汾橋東出一脚有鞋一脚徒蹠但不知人何坊

無尾魚楚通志湘陰縣東六十里相傳晉時里人劉倩賢

汝家舉宅上昇倩棄之今每歲八  
日見無尾魚逆水上至橋而退

五月日次補

化青珠

博物志五月五日埋蜚蠊頭於西向戶下埋至三日則化成青真珠又曰埋於正中門

木羹艾酒

端午造木羹艾酒

賜飛白扇

唐會要貞觀十八年五月五日太宗為飛白書作鸞鳳蝶龍等字筆勢驚絕謂司徒長孫無忌

吏部尚書楊師道曰五日舊俗必用服微相賀

六一泥

歲時雜記五月五日於北畦而東不語取蚯蚓乾收之謂之六一泥為魚鰓者以少許擦咽外即消

賜腰帶

唐貞觀中端午賜文官黑玳瑁腰帶武官黑銀腰帶

帶示色不改更故也

夢請衣鉢

傳燈錄永泰元年五月五日代宗夢六祖大師請衣鉢七日敕刺史楊城云朕夢感能禪師請

傳法袈裟却歸曹溪今遺鎮國大將軍劉景崇頂戴而  
送朕謂之國寶卿可於本寺如法安置專令僧衆親承  
宗旨

增修宮闕王海乾德元年五月十四日增修宮闕凡規爲

端直通豁謂左右曰此如  
我心少有邪曲人皆見之

六月日次補

九乳灘鐘玉海端拱二年六月二十三日潭州上言湘陰  
縣長樂九乳灘下得鍾制作精妙上有古篆八

十三字人不之  
識畫圖以進

水亭唐詩紀事六月三十日岑  
參千水亭贈詩送王少府

秋恩補

羣牧上籍

唐書百官志太僕寺諸牧監馬之籍民皆著籍

之籍合為一以仲秋上於寺

秋武

宋史選舉志范仲淹參知政事意欲復古勸學數言

學校上不察于鄉里則不能覈名實有司東以聲病學者專於記誦則不足盡人材參考衆說擇其便于學者莫若使士皆士著而教之于學校然後州縣察其履行則學者修飾矣乃詔州縣立學士須在學三百日乃聽預秋賦又每秋賦白縣令佐察行義保任之上下州縣長貳復審察得實然後上本道使者類試

九和時節

管子九和時節君服白色味辛味麤商聲治濕

敬行搏銳坦氣修通註金成數

水唐

水經注疎水中有物如三四歲小兒鱗甲如鯢鯉射

常汲水中出膝頭小兒不知欲取弄戲便殺人或曰

**萬秋門**

王海漢有萬秋門十秋門有長秋殿後漢有宜秋門魏有延秋門北齊有千秋樓後魏有上秋門

以上秋絕

**木連理**

後漢書延光三年七月賴川上言木連理

**奏別鵠曲**

南史褚彥回傳嘗聚袁粲舍初秋涼夕風月甚美彥回援琴奏別鵠之曲宮商既調風神諧暢

王彥謝莊並在案坐撫節而歎曰以無累之神合有道之器宮商暫離不可得已

**辟靈弓**

沈佺期詩靈弓引歲七月火伏而金生宮有鼓琴於門者奏霹靂之商聲始受羽以駢書終扣宮而研

喻電耀耀兮龍躍雷闕闕兮雨冥氣鳴暗以會雅態欲

窮以橫生有如驅千旗制五兵截荒池斷長鯨熟與廣陵比意別鶴

傳精而已

伐緣竹

唐清高宗雲封樂工之錄者貞元初華應物為和

天寶中梨園法曲李暮所吹者召問之乃是李暮外孫

韋公曰吾有乳母之子嘗受籥李供奉舊吹之籥即李

君所賜遂與山舊籥封日信是佳籥何非外祖所吹

者竹生雲夢之南峯在柯亭之下以今年七月望前生

明年七月望前伐過期不伐則其音實未期而伐則其

音汎浮者外澤中乾乾者受氣不全氣不全則其竹大

凡發揚一聲出入九息古之至者者一節十二節一節

十二敵其已天之竹遇至音必破韋公曰欲信女鑒籥

故無傷雲封乃奉籥吹六州遍一

疊未盡割然中裂韋公驚歎久之

鄭康成生

建平廣記鄭康成以永

西王母下教

三洞珠囊西王母以上皇元年七月於南

命國醺

王居明堂禮仲

秋乃命國醺



佛髮

梁書扶南國傳大同三年八月高祖改造阿育王塔出舊塔下舍利及佛爪髮髮青紺色衆僧以手伸

之隨手長短故之則旋屈爲蠡形

魏孝文帝生

北史帝諱宏皇興元年八月戊申生於平城紫宮神光照室天地氛氲和氣充塞

馴象

玉海乾德五年八月有象自嶺南來至都城外獲之其後吳越廣南交州繼獻馴象四十五頭於南薰門

外玉津園東北置養象所作馴象旗以上仲秋

飛蛾集燭

傅亮感物賦序余以暮秋之月述職內禁夜清務隙遊目藝苑於時風霜初戒蟄類尚繁飛蛾

羽翩翾滿室赴軒幌集明燭者必以燧滅爲度雖則微物矜懷者久之

御閣觀西

唐會要上元元年九月甲寅御翔鸞閣觀鰭時赤縣與太常音樂分東西朋帝詔雍王賢王東

周王顯主西因以角勝

冬蠶成繭

唐會要大歷五年九月太

賜錦袍

玉海景德元年九月河北轉運使劉綜言每歲朝廷遣使賜邊城冬服諸軍將校皆給錦袍惟轉運

使副止放阜花丁亥并賜河東陝西三路使副方勝練鵝錦袍

小五臺星光

元好問詩注繫舟山僧徒謂之小五臺九月月中時有景星如佛光以上季秋

七月日次補

卷耳麴

西民月令卷耳伏後二十日為麴至七月七日乾之覆以胡葉爾雅翼卷耳雜下謂之胡泉可煮為茹又以其葉

覆麴作黃衣

曹公器物

陸機與弟書在平原嘗按行曹公器物書刀五枚疏璃筆一枝景初二年七月七日

種生

東京夢華錄七夕以菜豆小豆小麥於磁器內以水浸之生芽數寸以紅藍采縷束之謂之種生

文章伯降

齊東野語宋慶之寓永嘉時適逢七夕學徒釀

致仙叩試事忽箕動大書文章伯降朱怪之漫云姑置  
此且求一七夕新詞卽以八煞爲韻意欲困之忽運筆  
如飛大書鵲橋仙一闋云鵲與初駕牛車齊發隱隱聞  
橋咽軋尤雲端雨正歡濃但只怕來朝初八霞垂綵慢  
月明銀蠟馥郁香噴金鴨年年  
此際一相逢末審是甚時結煞  
聚東劍潛居緣漢武帝七夕幸開襟樓忽見殿北方綵雲  
日此聚東之劍群仙寶之能辟  
諸邪妄乘之而來頃刻百里矣

八月日次補

撤燭翫月

開天遺事蘇頌與李父對掌文誥八月十五夜

無雲月色如畫蘇曰清光  
可愛何用燈燭遂使撤去

龍泉月魄

一統志南陽府有龍泉在汝州西南其水瑩

觀潮

乾淳歲時記浙江潮天下之偉觀也自既望以至十

百分列兩岸既而盡奔騰分合五陣之勢并有乘騎弄  
旗標槍舞刀於水面者如履平地吳兒善泅者數百皆  
被髮文身手持十幅大練旗手先鼓勇泅迎而上出沒  
於鯨波萬似中騰身百變而旗尾畧不需濕豪民貴宦  
爭賞銀綵禁中例觀潮於天  
開圖畫高臺下瞰如在指掌

九月日次補

大康寺石銘

洛陽伽藍記綏民里東崇義里有京兆人杜

云是晉武時人晉朝舊事多所記錄見子休宅歎息曰  
此宅中朝時太康寺也龍驤將軍王濬平吳之後始立  
寺本有三層浮圖用甄爲之指子休園中曰此是故處  
子休掘而驗之果得甄數十萬兼有石銘云晉太康六

年歲次乙巳九月甲戌朔八日辛

巳儀同三司襄陽侯王濬敬造

尹氏歌

江南野史永新尹氏女善歌重陽登南山文峰同

於長安刺史表獻入宮為唱歌供奉

書聖右屏

玉海建炎二年九月二十二日內出觀書坐右素屏旅葵一篇大有大畜二卦與孟子之言七

凡十扇遣中使宣示宰執

冬總補

作盛唐從陽歌

漢書元封五年冬行南巡狩至於盛唐望

親射蛟江中獲之舳艫千里薄從陽而出作盛唐浮江

把燭看事

梁書勤於政務孜孜無怠每至冬月四更竟即勅把燭看事執筆觸寒手為皴裂

泉氣浮蒸荆川記新陽縣惠澤中有溫泉冬月未至數

獐人衣南越志獐人冬編

玻璃江吳船錄江也冬時水色如此

幸溫泉宮雍鑑溫湯在驪山西北咸亨三年名溫泉宮天

臺殿環列山谷開元間明皇每歲

麟遊靈時司馬相如封禪文權灌之麟遊彼靈時孟

熟羌互市白帖金部格云敕松當悉維翼等州熟羌每年

於諸崖關外依市法至市

冬初衣葛隋書袁克傳年十餘歲其父黨至門時冬初克

風克應聲答曰為

孫為裕服之無數

大雉燕翼貽謀懿太平興國九年十月嵐州獻獸一角似

鹿鹿無斑角端有肉性馴善詔羣臣參驗徐鉉滕中正

王佑等上奏曰麟也宰相

宋琪等賀以上孟冬

東女國正月舊唐書東女國傳東

女國以十一月為正

幸慶善官冊府元龜貞觀十六年十一月甲子幸慶善官

以上及居官側數百人賜

宴父老爭上壽賜帛有差

幸韋嗣立莊冊府元龜景龍三年十一月庚子幸兵部尚

書韋嗣立莊舍宴賜甚厚特封谷為幽栖谷

高麗祭天文獻通考高句麗歲以建

子月祭天以上仲冬

不服綿絮北史徐則傳則人天台山因絕粒養性所

資惟松冰而已雖隆冬沍寒不服綿絮

太平瑞木

平之海慶歷三年十二月澧州獻瑞木有文曰太

吳無聲脊我聖德今告以太

揭蒲

名勝志洋縣通神以蒲葉蓋鵝公石二江渚寒魚皆

十月日次補

賜几杖

通鑑魏文帝黃初二年十月己亥公卿朝朔

禱雨張龍公

東坡詩龍元祐六年十月二十六日禱雨張

判疎誰乎趙陣予景照報掌日句法甚新前人未有此

法季默曰有之長官請客吏請客日曰主簿少府我即

祠華

唐會要武德二年十月二十九日甲子親祠華獄



十一月日次補

人戶推收金史食貨志泰和五年條南京按察司事李革

止增新強銷舊弱庶得其實今有司奉行誠裂恐臨時  
元併率難詳審可定期限以督之遂令自今年十一月  
一日令入戶告諸推收標附至次

試行義文學

玉海嘉佑四年令諸道漕憲舉行義文學之

日癸巳舍人院試劉蒙  
等二十一人賜出身

免所過田租

玉海慶曆六年十一月二十九日獵城南之

為左右翼節以旌鼓合圍場徑十餘里部隊相屬上按  
營中道親挾弓矢而屢獲禽至棘店御帳殿召父老問  
以子孫供養幾何土地種植宜  
三慰勞久之詔免所過民田租

十二月日次補

設會作樂北史西域傳波斯國尤重十二月一日共日

法王料斗食譜張手美家

呼長恩其名而祭之風不敢嗜蠶魚不生

月令補

堂高象閏舊唐書禮儀志明堂按書一年

皇極得積數樂律志洪範皇極有八十一卦一圖又作八十一

卦作一候餘九十分以爲冬至之重數夫九十分不足五日四分日之一當添一十三分五釐以爲閏不可以爲重也其數與太元適合蓋太元得律之縱數而洪範皇極得律之積數也

添蹄贏二贊

樂律志太元之數全是律言洪範皇極之數

七百二十九贊當七百二十九分日之一故又添蹄贏二贊以爲一候餘九贊不足四分日之一

晝夜時刻令補

持五夜

漢舊儀晝漏盡夜漏起省中黃門持五

夕郎

漢舊儀黃門郎屬黃門令日暮入對青瑣門拜名曰

項者爲連瑣文而青瑣也

應更

鐵聲齊書百官志宮城諸郡鼓樓上木施鼓持夜

雞人投籤

南史一夜內判閤取外事分判者前後相續每雞人同漏傳籤於殿中者令投籤於階石上錦

然有聲云吾雖  
得眠亦令驚覺

過院耳聲

列女傳隋靈公與夫人夜坐聞車聲憐憐至闕

曰此蓮伯玉也公曰何以知之夫人曰妾聞禮下公門  
式路馬今伯玉衛之賢大夫也敬於事上必不以閒昧  
廢禮是以知之使人視之果伯玉

蓮炬送歸

東觀奏記上將命合瓜綯為宰相夜半含春亭  
召對賜金蓮花炬送歸學上院宋史蘇軾傳嘗

鎖宿禁中召對便殿命坐賜  
紫微御前金蓮燭送歸院

三時山

圖畫見開志張詢南海人避地居蜀善畫吳山禁  
壁山川一壁早景一壁午景一壁

晚景謂之三時山人所稱異也

聚廳見客

客然兩府慎密之地亦欲咨訪天下之良苦早

暮接待復滯留機務又分廳言事各有異同欲乞今後  
中書樞密院每有在外得替到闕及在京主執臣僚如  
有二事竝逐日於已時已前聚廳見客已分廳卽俟

次日急速者不在此限非公事不得到中書密院

時辰牌至其時卽自執辰牌循環而出燕史文華殿後曰

刻漏房銅壺滴漏在此凡八刻水則交一時直殿監宿

抱時辰牌赴乾清門裏換之牌長尺餘石青地金字書

日某時途過者必側立讓行坐  
者必起立亦敬天時之義也

蓮花清玉海天聖八年龍圖閣待制燕肅上蓮花漏法其

辰二十四氣四隅十干泊百刻分佈晝夜凡四十八箭

一氣一易歲統二百十六萬分悉刻箭上鑄金蓮承箭

銅鳥引水而下注金蓮承箭而上登不假人力其箭自

然上下司晨者謹視而易之其行漏之始又依周官水

地置臬之法考二交之景得午時四刻十分爲午正南

北景中以起漏焉計其法置水於櫃引以渴焉道以銅

荷水自荷茄下注於壺壺中爲金蓮花覆之荷心有竅容箭下插方水之未注也箭首適與花平遠水既至箭則隨起視箭所底而時刻可以坐致矣金史厯志初張以進章宗命置蓮花漏於禁中星丸漏週巡幸則用之蓮社高賢傳釋惠安患山中無刻漏乃於水上立十二葉芙蓉因波隨轉分定晝夜

以爲行道之節謂之蓮花漏

水

平玉海景祐二年九月乙未詔司天監製百刻水秤以

測候晝夜三年二月命章得象等重定水秤刻漏四月辛亥開象言水行有遲疾請增用平水壺一渴烏二晝夜箭二十一又刻漏之法有水秤以木爲衡衡上刻疏之曰天河其廣長容水箭箭有四木爲之長三尺有五寸著時刻更點納於天河中晝夜更用之衡右端有銅緩連鈎爲銅覆荷形荷下銅索三條以繫銅壺又爲絲漆大壺曰水櫃中安銅盆曰水海銅盆隅有銅渴烏一引水下注壺中衡左端有大銅緩貫衡緩下大銅索連銅權爲立象行又有鐵竿高五丈於鐵蓮對中屈上

端為方緩形曰雅卒每移改時刻司辰者以衛尾納方  
緩中以組繩挽權上大銅緩進退之秤之所繫以大木  
雙植有附如鍾簾之制畫五采金龍為飾上有鐵胡門  
大鐵鉤緩以繫之其制度精巧不知作者為誰蓋唐五  
代用之  
久矣

何蓑衣

程史姑蘇何蓑衣淮陽胸山人本書生也寓於郡  
一旦焚書裂衣遁去既而歸被草給廬於天度觀  
之龍王堂伴狂妄談久而皆有驗臥草中不垢不穢  
晨必一至吳江波焉郡至吳江五十里往反不數刻

嘉慶壬申夏四月乙巳朔江

都秦嘉謨編刻於琳琅仙館

月令粹編卷二十二終

月令粹編卷二十三

補遺

歲令總雜識

中山酒

周禮天官酒正清酒注清酒今中山冬釀接夏而成者稷神記狄希中山人也能造千日酒飲之亦

千日醉

採材竹

吏記孫叔敖傳孫叔敖為楚相秋冬勸民採材竹山採春夏以水注乘多水時而出材竹

一歲千釀

漢書食貨志通邑大都釀一歲十釀注千甕以釀酒

千石魚陂

漢書食貨志水居千石魚陂注言有大陂養魚一歲收魚千石魚以斤兩為計

四時詩

宋書王元謨傳孝武常為元謨作四時詩曰葦菜供春膳粟漿充夏飧鮑醬調秋菜白醴解冬寒



茶園歲租

唐書陸龜蒙傳嗜茶置園顧渚山下歲取租茶

虎邱非六松江人助其  
好者雖百里為致之

歲有四秋

管子歲有四秋而分有四時故曰農事且作請  
絲曠之所作此之謂夏之秋而大秋成五穀之所會此

之謂秋之秋大冬營室中女事紡績緝縷之所作也此

善卷道遙

莊子善卷曰予立身於宇宙之中冬日衣皮毛

以休食日出而作日入而息道  
遙於天地之間而心意自得

魚椒祭

鹽鐵論古者有魚椒  
之祭春秋祀其祖祠

八蠶

吳錄南陽郡一歲蠶八績  
交州記一歲八蠶繭出日  
嘉記永嘉有八蠶蠶一曰既珍蠶三月績二曰

柘蠶四月初續三曰蜨蠶四月續四曰愛珍蠶五月續  
五曰愛蠶六月末續六曰寒珍蠶七月續七曰四出蠶  
九月初續八曰寒蠶十月結凡蠶再熟者前

輩皆謂之珍左思吳都賦鄉貢八蠶之綿

錦雞羽張華禽經錦雞狀如鳩鵲前五色如孔雀

相風拾遺記帝與娥皇汎於海上以桂枝爲表結芳茅爲

也造像

牢九盧諶祭法春祠用饅頭餠隨餅牢九夏秋冬亦如

通冬達夏終歲常施四時  
從用無所不宜唯牢九乎

女酒南方草木狀南中有女數歲卽大釀酒旣漉候冬陂

不發女將嫁乃發陂取酒以  
供賀客謂之女酒其味絕美

楓香樹

南方草木狀楓香樹似白楊葉圓而岐分有子而香其子大如鴨卵二月花發乃著實八九月熟曝

乾可燒

赤白田

水經注九真太守任延始教耕犁俗化交土風行

赤白田種白穀七月火作十月登熟名赤田種

熟稻

廣志蟬鳴稻七月熟稻有蓋下白正月種五月穫

白熟稻七月熟

七百斛

世說孔羣好飲與親舊書今年

五味脯

齊民要術作五味脯法正月二月九

野悉蜜

西陽雜俎野悉蜜出拂林國亦出波斯國苗長七尺葉似梅葉四時敷榮其花五出白色不結子

花若開時遍野皆香西域人

常採其花壓以為油甚香滑

**翻齊香**

西陽雜俎翻齊香出波斯國皮色青薄而極光淨

八月伐之至冬更抽新條極滋茂若不剪除反枯死七

**瀉酥**

元和志邠連山在張接酒泉二界上美水茂草山中

草上不解散作酥特好一斛酪得斗餘酥

**清風藤**

圖經本草清風藤生台州天台山中其

**天仙果**

益部方物記天仙果樹高八九尺無花其葉似荔

**貴池魚**

輿地志貴池之源出於秀山山穴產魚似鯢二月

池因魚得名縣復因池得名也

高昌寒暑

涼州異物志高昌僻土有異于華寒服冷水暑吸羅閣注郡人呼粥為羅閣

百合麪

山家清供百合麪春秋仲月采根暴乾搗篩和麪作湯餅最益氣血又蒸熟可以佐酒

每月令雜識

酒樹

南史扶南國傳扶南國南界有頓遜國在海崎上有酒樹似安石榴采其花汁停甕中數日成酒

碧草釀酒

洞冥記瑤崑去玉門九萬里有碧草如麥割之以釀酒則味如醇酎飲一合三旬不醒

神精香草

洞冥記波祗國獻神精香草亦名荃蘼一名有蕪一根百條其間如竹節柔軟其皮如絲可為

布握一片滿室皆香婦人帶之彌月芬馥

昆吾鹽

酒陽雜俎昆吾陸監周十餘里無水自生未鹽月滿則如積雪味甘月虧則如薄霜味苦月盡則全

矣盡

放杖木

本草拾遺放杖木生溫括睦婺諸川山中樹如木天蓼老人服之一月放杖故以爲名

團油飯

老學庵筆記北戶錄云嶺南俗家富者婦產三四月或匝月洗兒作團油飯以煎魚蝦雞鵝猪羊灌腸

蕉子舊杜鹽鼓爲之

春總雜識

東方弧

賈誼新書懸弧之禮義東方之弧以梧梧者東方之草春木也

春日瓜

廣志蜀地有春日瓜細小廣志宜藏正月種三月熟

炎山

元中記南方有炎山焉行人以正月二月三月行過此山取山下木以爲薪然之無焰取其皮績之爲火

布院

蜜塞

本草拾遺蜜蠟所著皆絕巖石壁非攀緣所及惟於山頂以籃輿懸下遂得采取蜂去餘蠟在石有鳥如

雀羣來啄之殆盡名曰靈雀至春蜂

歸如舊人亦占護其處謂之蜜壘

**五位餅**清異錄五位餅自同光至開運盛行以銀銅爲之高三尺圍八九寸上下直如筒樣安嵌蓋其口有

微窪處可以傾酒春日郊行家家用之

**鷺花**曲洧舊聞鄭許田野間二三月有一種花蔓生其香清遠馬上聞之頗似木樨花色白土人呼爲鷺

鷺花取其形似也亦謂五三香

**蠶市**茅亭客話蜀有蠶市每年正月至三月州城及屬縣循環一十五處耆舊相傳古蠶叢氏爲蜀主民無定

居隨蠶叢所在致

市居此其遺風也

**蒲花**稌登懷錄采蒲花如柳絮者熟鞭貯以方青襲作坐褥或臥褥春則暴收甚溫煥木棉不及也

**呂公菱**學圃雜疏菱白以秋生吳中一種春生曰呂公菱以非時爲美初出時煮食甜軟

萬家春

蘇軾浣溪沙序予家近釀酒名曰萬家春

正月令雜識

趨織布

西民月令正月命女工趨織布

醇酎

西京雜記漢以正月旦造酒八月成名曰九釀一名酎齊民要術黍米酎以正月作

桑枝湯

千金月令正月宜服桑枝湯取桑枝如箭幹人者煎二升下白蜜三合黃明膠一兩炙作末煎成以不津器貯之

炙新芽

王氏談錄茶品高而多年者必稍陳遇有茶處春初取新芽輕炙雜而烹之氣味復在

梅粥

山家清供梅落英淨洗用雪水煮候白粥熟同煮楊誠齋詩云纔看臘後得春饒愁見風前作雪飄脫榮

收將

英仍好當香燒



履端會

通考正月邀客飲春酒為履端之會

粉糝寒具

北京歲華記初八初九至十八日人家用粉糝寒具相饋遺徧市鬻之以五花帚為號

二月令雜識

離腹

說文腰楚俗以二日祭飲食也一日祈穀食新曰離腹

陰凍畢澤

四民月令二月陰凍畢澤可苗美田緩土及河渚水處

雞侯菜

廣州記雞侯菜生嶺南似艾二月生苗宜雞羹食之故名

蒙頂茶

茶譜蒙山有五頂上有茶園蒙之中頂茶當以春分之先後多聚人力俟雷發聲併手采擇以三日

止而

珊瑚菜

本草綱目江淮所產多是石防風生於山石之間二月采嫩苗作菜辛甘而香呼為珊瑚菜

三月令雜識

阮鵲

永嘉記阮珍三月既積出蟻取卵七

富梁酒

齊民要術作富梁酒法當梁下置甕故曰當梁以

三升炊黍米三斗三升為再餽黍攤使極冷水麴黍俱  
時下之三月六日炊米六斗酸之三月九日炊米九斗  
酸之自此以後任意酸之滿甕便止若欲取者但言偷  
酒勿云取酒假令出二石還炊一石米酸之甕還復滿  
亦為

神異

寒食漿

齊民要術作寒食漿法以三月中清明前夜炊飯

飯因家常炊三四日輒以新炊飯一椀酸之每取漿隨  
多少即新以冷水添之訖夏殭漿並不敗而常滿所以  
異為

泡花

桂海花木志泡花南人或名柚花春末開葉圓而如大珠既拆則似茶花氣極清芳與茉莉素馨相逼番

人採以蒸香風味超勝

松花餅

山居雜志松至三月花以杖扣其枝則紛紛墜落調以蜜作餅遺人曰松花餅

夏總雜識

夏梨

廣志洛陽北芒山有張公夏梨甚甘海內唯有一樹潘岳閒居賦張公大谷之梨

稊菜

南方草木狀稊不復生於池沼間葉類茨菰根如藕條南海人食之云令人思睡呼為稊菜

抱香

廣志南方草木狀抱香樹抱木生水松之旁若寄生然理也履雖猥大而輕者若通脫木風至隨飄而動夏月納之可禦蒸濕之氣

羅浮橘

廣州記羅浮山有橘夏熟實大如李剥皮噉則甜合食極甘

雞鳴酒

齊民要術作夏雞鳴酒法秣米二升煮作糜麴二斤搗合米和令調以水五斗漬之封頭今日作明

便熱

海鮓

杜寶拾遺錄隋大業六年吳郡獻海鮓乾鮓其法

取肉切晒極乾以新瓶盛之泥封固用時以布製水浸少頃去水則皎白如新也

蕙珠

一國經本草蕙珠生真定平澤及田野所在有之苗

白色形如珠子而稍長故呼蕙珠子小兒多以線穿如貫珠為戲

花山蕘

吳地記花山在吳縣西三十里其山蕘鬱幽邃山上有池旱亦不涸中有蕘甚美夏食之去熱吳中

佳品

槐葉淘

山家清供杜甫詩云青青高槐葉采掇付中厨新

其法於夏采槐葉之秀者湯少淪研細濾清和麵作淘  
乃以鹽醬熱蒸簇細苗以盤行之取其碧鮮可愛也  
**指甲花** 本草綱目指甲花有黃白二色夏月  
開香似木犀可染指甲過於鳳仙花

### 四月令雜識

**棗精** 四民月令四月可以  
作棗精以待賓客

**指星麥** 拾遺記張華為九醞酒以三薇漬麴藥藥出四羌  
麴出北胡胡中有指星麥四月火星出麥熟而獲

之藥用水清麥三夕而生萌芽以平旦雞鳴  
時而用之俗人呼為雞鳴麥以之釀酒醇美

**雉尾草** 齊民要術食前魚鱸羹羹之菜尊為第一四  
月尊生莖而未葉名作雉尾草第一作肥羹

**傍林鮮** 山家清供夏初竹筍盛時就竹邊煨熟其味甚鮮  
名曰傍林鮮文與可守洋州正與家人煨筍午飯

忽得東坡書詩云想見清貧饒太守渭濱  
千畝在胸中不覺噴飯滿案想作此供也

五月令雜識

刈藍四月民月金五

發黃梅風土記夏至前芒種後雨為黃梅雨田家初插秧祀土穀神謂之發黃梅

梅各聚飲而後插青

作精齊民要術崔實曰五月多作精以供出入之糧

起漉白餅徐暢系記五月麥熟騰新作起漉白餅

齊墩樹西陽雜俎齊墩樹出波斯國亦出拂菻國長二三丈皮青白花似柚極芳香子似羊桃五月熟西域

人壓為油以煮餅果如中國之用巨勝也

文光果本草綱目文光果出景州形如無花果肉味如栗五月成熟

六月令雜識

種冬藍

四月民月金六  
月可種冬藍

地錦草

政和本草地錦草生近道田野莖葉細弱蔓延於地莖赤葉青紫色夏中茂盛六月開紅花結細實

取苗子  
用之

桂漿

避暑錄話劉禹錫傳信方有桂漿法善造者暑月極快美

縐紗

會稽志刻出縐紗尤精其絕品以爲暑中燕服如絳冰雪然

胡麻酒

山家清供胡麻酒盛夏飲一巨觥清風颯然絕無暑氣其法漬麻子二升煎熟畧炒加生薑二兩生

龍腦葉一撮同炒細研投以煮醞五升濾去查水浸之大有所益

天鼠魚

仁能遊錄嶺南暑月白蟻入水爲蝦土人夜以火燭取製爲鮮名天蝦鮮

石高稻

燕山紫探房山縣有石高稻色白粒細味極香美以為飯雖盛暑經數宿不餿

蓮花醋

濟世仁術做蓮花醋法白麴一斤蓮花三朶擣細米和成團用紙包裹掛於風處一月後取出以棧

米一斗水浸一宿蒸熟用水一斗釀之用紙七層密封定每層寫七字週七日揭去一層至四十九日然後開封務出煎數沸收之

秋總雜識

舊糧

南方草木狀甘藷味甘如薯蕷性不甚冷舊珠崖之地海中之人皆不業耕稼惟掘地種甘藷秋熟收之蒸

熟切如米粒食之

巴竹筍

陸璣詩疏巴竹筍八月九月生始出地長數寸鬚以苦酒鼓汁浸之可以就酒及食

蓮花駐顏

本草綱目芙蓉服食駐顏太清草木方七月七日采蓮花七分八月八日采根八分九月九日



采實九分陰乾搗篩每服方寸匕溫酒調服

**葡萄** 釀酒者名馬乳七月八月熟取汁可釀酒大宛以葡萄

使西域得其種還中國始有蓋北果之最珍者

**錦荔枝** 木草綱目苦瓜名鉤荔枝即癩葡萄生苗引蔓生

碗形結瓜青色皮上瘠一如荔枝及荔枝殼狀熟則黃

**菊枕** 澄懷錄秋采甘菊花貯以紅萼

**鋤** 示先鋤一家之田本家供其飲食其餘次之旬日之間

各家田皆鋤治自相率領樂事趨功無有偷惰間有病

患之家共力助之故田無荒穢歲皆豐熟秋成之後既

勞名爲鋤社

早春茶

茶疏注曰無有於秋日摘茶者近乃有之  
秋七八月重摘一番謂之早春其品甚佳

七月令雜識

收柏實

四月民月倉七  
收柏實

采瓜犀

荆楚歲時記七月采瓜犀以  
為面脂本草圖經曰犀角也

槐房

木草綱目槐實作漿連珠中有  
黑子子房七月收之堪染皂

撫稻

物產志稻有一歲兩收者既春種而夏獲  
矣復以七月初再插至十月熟曰撫稻

八月令雜識

赤鯉

魚取赤頭鯉以為鮓  
西羌仲秋月

泚醑

齊民要術作泚醑法八月中作取好淳醑生布袋盛  
之當有水出滴滴水不盡者鍋中暫炒即出於盤

上日曝泥泥時作團大

如梨許亦數年不壞

申護草

名醫別錄神護草生常山北八月采可使獨守此

人衣過草必叱之王筠詩霜

說餅

餅說宋公至長安得姚泓時故大官丞程季者了了

欲靜熨熨曉風淒淒夜

苳菜羹

太平御覽八月雨夜苳菜生於滄下池中

海棠梨

本草綱目果類有海紅即海棠梨之實狀如木瓜

如梨大如櫻桃至秋可食

雷丸

本草綱目雷丸生石城山谷及漢中土中八月采根

暴乾按述齋閑覽云楊師中年得異疾每發語腹中

有小聲應之久漸聲大有道士見之曰此應聲蟲也但讀本草取不應者治之讀至雷九不應遂頓服數粒而愈矣

### 九月合藥說

雲母芝

抱朴子雲母芝生於名山之陰青蓋赤莖味甘

作葵菹

西民月金九月

藏此薑

西民月金九月藏此薑汪字林曰薑御濕之菜此

薑僅可存活勢不滋息

種者聊擬藥物小小耳

曰醪酒食經作白醪酒法生秣米一石方麴二斤細剉以  
謝蓋滿五日乃好酒甘  
如乳九月半後可作也

三勒漿

遵生八錄九月宜合三勒漿用訶梨勒批梨勒菴

以新汲水二斗調勻傾甕中即下三勒熟攪蜜封三四

日後開又攪之以乾淨布拭去汗蜜封共三十日方成

冬總雜識

韭薺

晉書石崇傳每冬得韭薺王愷密貨崇帳下

臥束藁中

其所以答云韭薺是擣韭根雜以麥苗耳

暮臥其中

二收之

拾遺記岱輿山有草名莽煌葉圓如荷去之十

出則火

步炙人衣則焦刈之為席方冬彌溫以枝相摩

醇和麥拾遺記背明國在扶桑東見日出於西方其國昏

冬可

醍醐唐本草醍醐酥之精液好酥一石

玉枝福地記抱犢山有草名玉枝冬生花高五

花脂清異錄醑醑盛開時置書冊

魚兒酒清異錄裴晉公盛冬嘗以魚兒酒飲客其法用龍

其

黑金社清異錄廬山白鹿洞遊士輒饋每冬

曉羹寒鮓清異錄吳淑冬日招客詩云曉羹沈玉杵寒

朝天門市

乾淳歲時記都下自十月以來朝天門內外競

頭及金綵縷花春帖

醉魚

曲消舊聞漆南之源出馬嶺今在河南府永安界號

善施網罟冬積柴水中為霖以取之以擣澤蓼雜煮大

醉魚

玉面狸

本草綱目南方有玉面狸專上樹木食百

敲冰紙

楊慎集張伯王蓬萊閣詩敲冰呈好手纖素競交

敲冰時製之

十月令雜識

**作脯** 四民月令十月作脯以供臘祀風俗通俗說膊大脯也案太山博縣每歲十月祠太山脯濶一尺長五寸

**釀冬酒** 齊民要術十月上辛命典饋清麴釀冬酒

**里社** 事物紀原禮雜記曰子貢觀於蜡子曰百日之蜡一

以禮屬民而飲酒勞農而休息之使之燕樂是君之澤也今賽社則其事爾今人以歲十月農功畢里社致酒

食以報田神因相與飲樂世謂里社始於周人之蜡云路史每歲陽月孟百種萃萬民蜡戲於國中

**牛蒡脯** 以鹽醬苽蘿薑椒熟油諸料研細火焙乾食之如

肉脯之味

**柜妝** 山家清供杜甫十月一日有柜妝作人情之句考楚辭柜妝蜜餌柜妝乃蜜麪之乾也十月開爐餅也

**鷺毛被** 山家清供以禦寒故柳宗元峒氓詩有鷺毛禦臘縫山園



之句

木奴著裘

若棲幽壑山中人十月以薪草縛相橘樹上曰為木奴著裘

十一月令雜識

買白犬

西民月令先後冬至各五日買白犬養之以供祖禰

釀醢

西民月令冬十

鹹菹

荆楚歲時記仲冬之月采擷霜蕪菁葵等雜菜乾之並為鹹菹有得共和者並作金釵色汁酸美醒酒所

宜

掘土取笋

齊民要術永嘉記曰凡諸竹笋十一月掘皆得長八九寸十一月笋土中已生但未

掘土取

現尊

爾雅翼尊菜十一月萌在泥中麤短名現尊味苦體

種油菜

務本新書十一月種油菜稻收畢鋤田如麥田法

長明年初夏間收一取油甚香美

藏金橘

常氏日錄十一月收藏金橘法安錫器內芝蔴雜

邊見米即爛

窖藏花木

北京歲華記十一月人

# 十二月令雜識

迎新年

荆楚歲時記歲暮家家具肴載詣

別歲

風土記蜀之風俗晚

雞頭台藥

齊民要術十二月東門  
雞頭可以合法藥

黑太陽

清異錄黑太陽法出自韋邠公  
用精炭搗治作末

鍵實擊五七十下出蛇陰乾  
盛寒爐中

土栗

山家清供芋名土芝小者煨乾  
入饗候寒月用稻

冬春米

范成大冬春行序臘日春米為  
一歲計多聚杵曰

也米

膈肉

圖經本草膈肉獸舊說似狐長  
尾今滄州所圖乃

家多用之吳魚圖云試其膈於  
臘月

作蠶

務本新書臘月刈茅  
草作蠶則宜蠶

閏月令雜識

宜晚田

齊民要術凡田欲早晚相雜有閏之歲節氣近後宜晚田

筆絃

又獻通考筆五絃合乎五音十二絃合乎十二律而十三絃其一以梨閏也

作前後月

通考按歷法月無中氣為閏凡閏月節前作前月用節後作後月用

晝夜時刻雜識

雞鳴布

隋書地理志豫章之俗頗同吳中一年蠶四五熟勤於紡績亦有夜浣紗而且成布者俗呼為雞鳴布

耳布

美陽亭

說文美陽亭即幽也民俗以夜市

梨汁塗面

齊民要術面患皴者夜燒梨令熟以糠湯洗面訖以暖梨汁塗之令不皴

魚鑰芝田錄門鑰必以魚取其不瞋日守夜之義

望筒管造法式望筒長一尺八寸方三寸用版合造兩窰頭開圓眼徑五分筒身當中兩壁用軸安於兩立頰

之內其立頰自軸至地高三尺廣三寸厚二寸畫望以筒指南今日景透北夜望以筒指北於筒南望令前後兩窰內正見北辰極星然後各垂繩墜下

記望筒兩窰心於地以為南則四方正

火寸謂異錄夜中有急苦於作燈之緩批杉條染硫黃置之待用一與火遇得燄穗然呼引光奴今有貨者易

寸名火

伴月香謂異錄徐鉉或遇月夜露坐中庭但焚佳香一炷號伴月香

白石琴暉歐公試筆夜彈琴惟石暉為佳蓋金蚌瑟瑟之類皆有光色燈燭照之則炫暉非老翁夜視所

宜白石照之無光惟日昏者為便

螢火之

續博物志良常山有螢火大如豆夜視有光

蘇欄

亦名之屬也夜冷露零則干卷而薑舒日出盡

木異故越人種薑必覆以干

蔡床

賈氏說林呼子先夜不臥惟倚蔡杖閉目少頃即謂

寶毛

為最蠻人晝披夜臥無貴賤人有一番

通天犀

爾雅翼通天犀水犀之角也可以破水大霧重露

御之以入水水

春來

爾雅翼春來石首異種也初出水

夜市早市

勝撲賣奇巧器皿百色物件與日間無異其餘

坊巷市井買賣權開酒樓歌館直至四鼓後方靜而五鼓朝馬將動其有越賣早市者後起開張四時皆然

燃黎蓬商項聖川蔡為燃光最明可傳火徹夜古謂者燃黎以此

澆書澆飯澆書黃門謂午睡為攤飯

月令考

月令氣候詳于夏小正通卦驗與呂覽淮南戴記及諸

史不同其可攷者如月令孟春之東風解凍即夏小正

之時有俊風滌凍塗案夏小正時有俊風戴傳謂俊者大也大南風也合水必于南風解

冰必于南風今考正月無南風應候之理史記律書謂

條風居東北主出萬物此俊字當為條字之訛又案刊

本作寒日滌凍塗据玉

通卦驗之條風至冰解案通卦

海所引無寒日二字

春日條風至冰解月令疏引之謂條風即東風也冰解  
即解凍也于雨水復曰凍冰澤猛風至月令疏引之謂  
猛風即東風之甚也据此足月令孟春之蟄蟲始振即  
證夏小正俊風之當為條風月令孟春之蟄蟲始振即  
夏小正之正月啟蟄案月令疏引此謂始振即啟蟄也  
疑古者陽氣特盛啟蟄獨早考月令仲春尚有一金氏履祥  
動啟戶乃出之文正義謂正月始振動至二月乃大驚  
而出夏小正此條蓋合孟春月令孟春之魚上冰夏小  
之始振仲春之啟戶記之月令孟春之魚上冰夏小  
正作魚陟負冰通卦驗作魚負冰為仲冬候月令孟春之獺  
祭魚通卦驗同夏小正作獺祭獻魚月令孟春之鴻雁  
來通卦驗作候雁北為仲春候月令仲春之桃始華即夏小  
正之梅杏棗桃則華在正通卦驗作桃李華為仲春中氣月



令仲春之倉庚鳴夏小正作有鳴倉庚通卦驗作鶉鷩

鳴為孟春中氣月令仲春之鷹化為鳩夏小正作鷹則為鳩

在正月月令仲春之元鳥至即夏小正之來降燕乃睇通

卦驗作元鳥來為季春候月令仲春之雷乃發聲通卦驗一

作雷句有缺文為仲春候一作雷雨行為仲春中氣一作雷鳴為季春候月

令仲春之始電通卦驗作電見為孟夏候月令季春之桐始

華即夏小正之拂桐芭月令季春之田鼠化為鴽夏小

正通卦驗俱同通卦驗為季春中氣月令季春之鳴鳩拂其羽夏

小正作鳴鳩月令孟夏之蜩螗鳴即夏小正之穀則鳴

在三通卦驗作螻蛄鳴為孟夏中氣月令孟夏之蚯蚓出通

卦驗同為仲夏候月令孟夏之王瓜生即夏小正之王薹秀

月令仲夏之螳螂生通卦驗同為仲夏中氣月令仲夏之鴈

始鳴夏小正作鳩則鳴通卦驗作伯勞鳴為季夏候月令仲

夏之反舌無聲通卦驗作蝦蟇無聲為季夏候月令仲夏之

鹿角解通卦驗同月令仲夏之蟬始鳴夏小正一作良

蜩鳴一作唐蜩鳴通卦驗作蟬鳴月令仲夏之半夏生

通卦驗同為季夏中氣月令季夏之蟋蟀居壁通卦驗作蜻

蛸鳴為孟秋候月令季夏之鷹乃學習夏小正作鷹始摯月

令季夏之腐草為螢通卦驗作腐草為螢為孟秋候月令季

夏之士潤溽暑即通卦驗之暑且濕為仲夏中氣月令季夏

之大雨時行即夏小正之時有霖雨在七月通卦驗之雨

濕月令孟秋之涼風至通卦驗同月令孟秋之白露降

通卦驗作白露下月令孟秋之寒蟬鳴夏小正通卦驗

俱同通卦驗為孟秋中氣月令孟秋之鷹乃祭鳥通卦驗作鷹祭

鳥為仲秋候別又作鷺鳥擊為仲秋中氣月令仲秋之鴻雁來夏

小正作遺鴻雁在九月月令仲秋之元鳥歸即夏小正之

陟元鳥在九月通卦驗一作燕子去室為仲秋候一作元鳥

歸

為仲秋中氣

月令仲秋之雷始收聲通卦驗作雷始收月

令季秋之爵入大水為蛤夏小正作爵入于海為蛤通

卦驗作賓爵入水為蛤

為孟冬為

月令季秋之鞠有黃華夏

小正作樂鞠月令季秋之豺乃祭獸夏小正通卦驗俱

作豺祭獸

夏小正

月令孟冬之水始冰通卦驗作始冰

月令孟冬之雉入大水為蜃夏小正作元雉入于淮為

蜃通卦驗作雉入水為蜃

為孟冬中氣

月令仲冬之鴈旦不

鳴虎始交通卦驗俱同

鴈旦不鳴為仲冬中氣虎始交為季冬候

月令仲冬

之麋角解通卦驗同夏小正作隕麋角月令季冬之雁

北鄉夏小正同

案夏小正雁北鄉在正月月令疏引之謂北鄉有早有晚早者十二月月令疏引之

月考月令孟春尚有鴻雁來一候通卦驗作候雁北入於仲春則正義所云候晚者也夏小正此條蓋亦合季冬雁北鄉孟春月令季冬之鵲始巢通卦驗同為季冬

月令季冬之雉

雉雞乳通卦驗俱同

俱為孟春候

夏小正作

雉震响雞桴粥

俱在此

皆氣候之相因互見者也至月

令雖出呂氏春秋而今禮記所載亦有與呂氏春秋互

異者孟春之蟄蟲始振呂氏作始振蘇孟春之鴻雁來

呂氏作候雁北

案通卦驗及淮南時則訓皆作候雁北王應麟謂月令鴻雁來之來字本北字

康成時猶未誤故注曰雁自南方來將北返其居其後傳寫者因仲秋鴻雁來誤以北為來孟春之

草木萌動呂氏作繁動仲春之桃始華呂氏作桃李華

季春之戴勝降于桑呂氏作戴任同孟夏之王瓜生呂

氏作王賁生高誘注賁或作瓜瓠瓠也孟夏之靡草死呂氏作糜草

死季夏之溫風始至呂氏作涼風始至高誘注夏至後四十六日立秋

節故曰涼風始至案月令之溫風始至注疏皆未詳呂氏作涼風始至義亦可通季夏之蟋蟀

居壁呂氏作居宇季夏之腐草為螢呂氏作化為蚺通案

卦驗作腐草為螢鄭氏注曰舊說腐草為鳴今言螢其物異名乎又說文蠲字引明堂月令曰腐草為蠲蓋蚺

為馬蛇蠲為馬蠲皆螢火之別名也曰鳴曰噬於義未詳孟秋之農乃登穀呂氏作

升穀仲秋之盲風至呂氏作涼風至案呂氏三紀涼風於季夏曰始至於

孟秋仲秋俱曰至月令仲秋作育風蔡邕月令章句亦作白露節盲風至此涼字疑有訛

雁來昌氏作候雁來仲秋之雷始收聲昌氏作雷乃始

收仲秋之蟄蟲坏戶昌氏作俯戶季秋之鴻雁來賓昌

氏作候雁季秋之豺乃祭獸昌氏作豺則祭獸季秋之

蟄蟲咸俯昌氏作蟄蟲咸俯在穴月令在內昌氏作在穴高誘注俯伏藏於

穴墜塞其戶也是零之閉塞而成冬昌氏作閉而成

冬高誘注謂天地閉冰霜凜烈季冬之雉雉乳昌氏

作乳雉雉案月令雉雉雞乳本兩候昌氏以乳字連雉言止為一候季冬之水澤腹

堅昌氏作復堅高誘注復亦盛也或作復其餘字句皆與月令同准

南子為西漢時書其第五篇時則訓所載孟春之月東

風解凍蟄蟲始振蘇月令無蘇字魚上負水月令無負字獺祭魚

候雁北月令作鴻雁來仲春之月始雨水桃李始華月令無李字倉

庚鳴腐化為鳩雷始發聲月令作雷乃發聲蟄蟲咸動蘇月令無蘇字

字季春之月桐始華田鼠化為鴽虹始見萍始生鳴鳩

奮其羽月令作拂其羽戴勝降于桑月令作戴勝孟夏之月螻蟈鳴

蚯蚓出月令作蚯蚓王瓜生苦菜秀靡草死麥秋至仲夏之

月小暑至螳螂生鵙始鳴反舌無聲鹿角解蟬始鳴半

夏生木堇榮季夏之月涼風始至月令作溫風蟋蟀居奧月令



壁作居鴈乃學習腐草化為蜉月令作土潤溽暑大雨時

行孟秋之月涼風至白露降寒蟬鳴鴈乃祭鳥天地始

肅農始升穀乃登穀仲秋之月涼風至月令作候雁

來月令作元鳥歸羣鳥翔月令作羣鳥養羞案高氏注

高翔也又高氏注呂氏春秋羣鳥翔謂羣鳥試其羽翼而

鳥養進其宅羽禦寒也語意相同與鄭氏注月令養羞

異雷乃始收始收聲蟄蟲培戶月令作水始涸季秋

之月候雁來賓賓猶言客止未去高氏注時則訓謂雁

以先至者為主後至者為賓于賓字皆指雁言至鄭氏

注通卦驗謂賓爵入水為蛤高氏注呂氏春秋謂賓爵

者老爵也樓宿人堂宇之間有似賓客故謂之賓爵于

賓字又連下謂指爵言一人所注之書自相互異知此

未詳孰是 爵入大水為蛤 鞠有黃華 豺乃祭獸 戮禽霜始降

草木黃落 蟄蟲咸俯 月令作 孟冬之月 水始冰 地始凍

雉入大水為蜃 虹藏不見 仲冬之月 冰益壯 地始坼 鶡

鴉不鳴 月令作 虎始交 芸始生 荔挺出 蚯蚓結 月令作

麋角解 水泉動 季冬之月 雁北鄉 鵲始巢 雉雊 雞呼卵

月令作 與月令字句雖小異而叙次同 每月候應之多

寡仍無一定是漢初尚未有五日一候之說也 惟逸周

書時訓解分五日一候為七十二候 立春之日 東風解

凍又五日 蟄蟲始振又五日 魚上冰 雨水之日 獺祭魚

又五日鴻雁來又五日草木萌動驚蟄之日桃始華又  
五日倉庚鳴又五日鷹化為鳩春分之日元鳥至又五  
日雷乃發聲又五日始電清明之日桐始華又五日田  
鼠化為鴽又五日虹始見穀雨之日萍始生又五日鳴  
鳩拂其羽又五日戴勝降于桑立夏之日螻蟈鳴又五  
日蚯蚓出又五日王瓜生小滿之日苦菜秀又五日靡  
草死又五日小暑至芒種之日螳螂生又五日鵙始鳴  
又五日反舌無聲夏至之日鹿角解又五日蜩始鳴月  
作蟬始鳴案呂氏春秋及通卦驗時則訓皆作蟬不作  
蜩夏小正則五月良蜩鳴唐蜩鳴兩見惟逸周書作蜩

始鳴唐以後又五日半夏生小暑之日溫風至月令作始至

又五日蟋蟀居壁又五日鷹乃學習大暑之日腐草化

為螢月令無化字又五日土潤溽暑又五日大雨時行立秋

之日涼風至又五日白露降又五日寒蟬鳴處暑之日

鷹乃祭鳥又五日天地始肅又五日禾乃登月令作農乃登穀案

呂氏春秋及時則訓亦作升穀惟逸周書作禾乃登唐以後史志皆用之白露之日鴻雁來

又五日元鳥歸又五日羣鳥養羞秋分之日雷始收聲

又五日蟄蟲培戶同坏又五日水始涸寒露之日鴻雁

來賓又五日爵入大水為蛤又五日鞠有黃華霜降之

日豺乃祭獸又五日草木黃落又五日蟄蟲咸俯立冬

之日水始冰又五日地始凍又五日雉入大水爲蜃小

雪之日虹藏不見又五天天氣上騰地氣下降又五日

閉塞而成冬大雪之日鷦鷯不鳴

月令作鷽旦不鳴唐書及宋金史志皆作

鷽鳥元史志始仍作鷽旦

又五日虎始交又五日荔挺出冬至之日

蚯蚓結又五日麋角解又五日水泉動小寒之日雁北

鄉又五日鵲始巢又五日雉始雊

月令作雊雊

大寒之日雞

始乳

月令作雞乳

又五日鷥鳥厲疾

月令作征鳥厲疾唐書及宋金史志皆作鷥鳥

元史志始仍作征鳥

又五日水澤腹堅周書序謂周公辨二十四

氣之應以明天時作時訓後儒如王應麟等皆疑爲東漢人僞託非周公之舊北魏始以七十二候頒爲時令考魏書志隋書志同所載冬至三候虎始交芸始生荔挺出小寒三候蚯蚓結麋角解水泉動大寒三候雁北向鵲始巢雉始雊立春三候雞始乳東風解凍蟄蟲始振雨水三候魚上冰獺祭魚鴻雁來驚蟄三候始雨水桃始華倉庚鳴春分三候鴈化爲鳩元鳥至雷始發聲清明三候電始見蟄蟲咸動蟄蟲啟戶穀雨三候桐始華田鼠爲鴛虹始見立夏三候萍始生戴勝降于桑螵蛸鳴

小滿三候蚯蚓出王瓜生苦菜秀芒種三候靡草死小  
暑至螳螂生夏至三候鵙始鳴反舌無聲鹿角解小暑  
三候蟬始鳴半夏生木槿榮大暑三候溫風至蟋蟀居  
壁鴈乃學習立秋三候腐草化為螢土潤溽暑涼風至  
處暑三候白露降寒蟬鳴鴈祭鳥白露三候天地始肅  
暴風至即月令風至鳴雁來秋分三候元鳥歸羣鳥養羞雷  
始收聲寒露三候蟄蟲附戶即月令蟄蟲始附殺氣浸盛陽氣  
日衰霜降三候水始涸鴻雁來賓雀入大水化為蛤立  
冬三候菊有黃華豺祭獸水始冰小雪三候地始凍雉

入大水化爲蜃虹藏不見大雪三候冰益壯地始坼鴈  
旦不鳴自北魏後所行時令皆因之唐初所用傅仁均  
之戊寅術李淳風之麟德術並以雞始乳爲立春初候  
東風解凍爲次候與時訓月令皆不符故唐大衍術議  
其不合經義且其中如始雨水蟄蟲咸動蟄蟲啟戶木  
莖榮暴風至殺氣浸盛陽氣日衰冰益壯地始坼芸始  
生十候皆唐宋以後所不用者今所用之草木萌動鳴  
鳩拂其羽大雨時行禾乃登草木黃落蟄蟲咸俯天氣  
上騰地氣下降閉塞而成冬征鳥厲疾水澤腹堅十候



又皆北魏志隋志所不用者夫北魏書所載各候既取  
之月令卽宜每月取用六候乃于正月取五候二月取  
九候三月取五候四月取五候五月取八候六月取五  
候七月取五候八月取九候九月取四候十月取四候  
十一月取九候十二月取四候旣已參差且其分配節  
氣亦不能適均如以電始見蟄蟲咸動蟄蟲啟戶爲清  
明之三候而月令則在仲春之月以萍始生載勝降于  
桑爲立夏之初候次候而月令則在季春之月以靡草  
死爲芒種初候而月令則在孟夏之月以蟬始鳴半夏

生木墓榮爲小暑之三候而月令則在仲夏之月以腐  
草爲螢土潤溽暑爲立秋之初候次候而月令則在季  
夏之月以天地始肅爲白露初候而月令則在孟秋之  
月以蟄蟲附戶殺氣浸盛陽氣日衰爲寒露之三候以  
水始涸爲霜降初候而月令則皆在仲秋之月以菊有  
黃華豺祭獸爲立冬之初候次候而月令則在季秋之  
月以蚯蚓結糜角解水泉動爲小寒之三候而月令則  
在仲冬之月匪特此也蟄蟲咸動啟戶始出詞本相連  
而分爲兩候旣于義無當且旣收蟄蟲啟戶矣何以獨

遺蟄蟲墮戶既收戴勝降于桑矣何以獨遺鳴鳩拂其羽至于季秋之殺氣浸盛陽氣日衰亦如季春之生氣方盛陽氣發泄祇屬泛論之辭何以獨列爲兩候此皆義有未協者也若夫唐書志所載之七十二候宋史則係開元時一行所定之大衍術自冬至初候蚯蚓結起至大雪末候荔挺出止不用魏隋相承之節候而取之周書時訓故大衍術以爲改從古義然其中亦有未能盡免後人之譏者如孟冬之天氣上騰地氣下降與孟春之天氣下降地氣上騰本相對言之季春之生氣方盛陽氣發泄

秋之殺氣浸盛陽氣日衰皆同此  
例又孟秋之天地始肅亦相類

今乃獨收天氣上騰

地氣下降爲一候至閉塞而成冬句乃申足上騰下降  
之義詞本相連又別爲一候義將安在他若旣收孟春  
之蟄蟲始振仲春之蟄蟲壞戶季秋之蟄蟲咸俯而獨  
遺仲春之蟄蟲咸動旣收季夏之溫風至孟秋之涼風  
至而獨遺仲秋之盲風至旣收孟秋之禾乃登而獨遺  
孟夏之登麥仲夏之登黍旣收孟冬之水始冰地始凍  
而獨遺仲冬之冰益壯地始拆旣收仲夏之半夏生而  
獨遺木莖榮旣收仲冬之荔挺出而獨遺芸始生皆有

所未安惟其次第一以周書時訓爲準故後世皆相承  
不改金史志與唐史畧同惟改小滿末候小暑至爲麥  
秋至月令麥秋至在四月小暑至在五  
月小滿爲四月之中氣故易之元史志復改立  
春末候魚上冰爲魚陟負冰小暑末候鷹乃學習爲鷹  
始摯皆參取夏小正句又改雨水次候鴻雁來爲候雁  
北則參取呂氏春秋及通卦驗淮南時則訓句而互用  
之者也

月令粹編卷二十三終

嘉慶壬申夏四月乙巳朔江  
都秦嘉謨編刻於琳琅仙館

月令粹編卷二十四

附編

明堂月令章句

漢蔡邕撰按明堂月令章句十二卷見于隋書經籍志至唐書藝文志篇名已佚然其文多散見于諸史類書中今據拾若

十條輯爲一卷遺漏甚多俟博雅君子備考焉

明堂月令論

明堂者天子太廟所以崇禮其祖以配上帝者也夏后氏曰世室殷人曰重屋周人曰明堂東曰青陽南曰明堂西曰總章北曰元堂中央曰太室易曰離也者明也南方之卦也聖人南面而聽天下嚮明而治人君之位莫正於此

焉故雖有五名而主以明堂也其正中皆曰太廟謹承天  
順時之令昭令德宗祀之禮明前功百辟之勞起養老敬  
長之義顯教幼誨穉之學朝諸侯選造士於其中以明制  
度生者乘其能而至死者論其功而祭故爲大教之宮而  
四學具焉官司備焉譬如北辰居其所而衆星拱之萬象  
翼之政教之所由生變化之所由來明一統也故言明堂  
事之大義之深也取其宗祀之貌則曰清廟取其正室之  
貌則曰太廟取其尊崇則曰太室取其向明則曰明堂取  
其四門之學則曰太學取其四面周水圓如璧則曰辟雍

異名而同事其實一也春秋因魯取宋之奸賂則顯之太廟以明聖王建清廟明堂之義經曰取郕大鼎於宋戊申納於太廟傳曰非禮也君人者將昭德塞違故昭令德以示子孫是以清廟茅屋昭其儉也夫德儉而有度升降有數文物以紀之聲明以發之以臨照百官百官於是乎戒懼而不敢易紀律所以明大教也以周清廟論之魯太廟皆明堂也魯禘祀周公於太廟明堂猶周宗祀文王於清廟明堂也禮記檀弓曰王齋禘於清廟明堂也孝經曰宗祀文王於明堂禮記明堂位曰太廟天子曰明堂又曰成



王幼弱周公踐天子位以治天下朝諸侯於明堂制禮作樂頒度量而天下大服成王以周公有大勲勞於天下命魯公世世禘祀周公於太廟以天子之禮升歌清廟下管象舞所以興魯於天下也取周清廟之歌歌於魯太廟明魯之太廟猶周之清廟也皆所以昭文王周公之德以示子孫也易傳太初篇曰天子旦入東學晝入南學暮入西學太學在中央天子之所自學也禮記保傅篇曰帝入東學上親而貴仁入西學上賢而貴德入南學上齒而貴信入北學上貴而尊爵入太學承師而問道與易傳同魏文

侯孝經傳曰太學者中學明堂之位也禮記古大明堂之  
禮曰膳夫是相禮日中出南闕見九侯反問於相日側出  
西闕視五國之事日入出北闕視帝節猷爾雅曰宮中之  
門謂之闕王居明堂之禮又別陰陽門東南稱門西北稱  
闕故周官有門闕之學師氏教以三德守王門保氏教以  
六藝守王闕然則師氏居東門南門保氏居西門北門也  
知掌教國子與易傳保傅王居明堂之禮參相發明爲學  
四焉文王世子篇曰凡大合樂則遂養老天子至乃命有  
司行事興秩節祭先師先聖焉始之養也適東序釋奠於

先老遂設三老五更之席位言教學始之於養老由東方  
歲始也又春夏學干戈秋冬學羽籥皆習於東序凡祭與  
養老乞言合語之禮皆小樂正詔之於東序又曰大司成  
論說在東序然則詔學皆在東序東序東之堂也學者聚  
焉故稱詔太學仲夏之月令祀百辟卿士之有德於民者  
禮記太學志曰禮士大夫學於聖人善人祭於明堂其無  
位者祭於太學禮記昭穆篇曰祀先賢於西學所以教諸  
侯之德也卽所以顯行國禮之處也太學明堂之東序也  
皆在明堂辟雖之內月令記曰明堂者所以明天氣統萬

物明堂上通於天象日辰故下十二宮象日辰也水環四  
周言王者動作法天地德廣及四海方此水也禮記盛德  
篇曰明堂九室以茅蓋屋上圓下方此水名曰辟雍王制  
曰天子出征執有罪反釋奠於學以詵讖告樂記曰武王  
伐殷薦俘馘於京太室詩魯頌云矯矯虎臣在泮獻馘京  
鎬京也太室辟雍之中明堂太室也與諸侯泮宮俱獻馘  
焉卽王制所謂以詵讖告者也禮記曰祀乎明堂所以教  
諸侯之孝也孝經曰孝悌之至通於神明光於四海無所  
不通詩云自西自東自南自北無思不服言行孝者則曰

明堂行梯者則曰大學故孝經合以爲一義而稱鎬京之  
詩以明之凡此皆明堂太室辟離太學事通文合之義也  
其制度數各有所注堂方百四十四尺坤之策也屋圓屋  
徑二百一十六尺乾之策也太廟明堂方三十六丈通天  
屋徑九丈陰陽九六之變也圓蓋方載六九之道也八闌  
以象八卦九室以象九州十二宮以應辰三十六戶七十  
二牖以四戶九牖乘九室之數也戶皆外設而不閉示天  
下不藏也通天屋高八十一尺黃鐘九九之實也二十八  
柱列於四方亦七宿之象也堂高三丈以應三統四鄉五

色者象其行外廣二十四丈應一歲二十四氣也四周以水象四海王者之大禮也月令篇名曰因天時制人事天子發號施令祀神受職每月異禮故謂之月令所以順後陽奉四時効氣物行王政也成法具備各從時月藏之明堂所以示承祖考神明明不敢泄瀆之義故以明堂冠月令自天地定位有其象聖帝明君世有紹興蓋以裁成大業非一代之事也易正月之卦曰泰其經曰王用享於帝吉孟春令曰乃擇元日祈穀於上帝顓頊歷衡曰天元正月巳巳朔日立春日月俱起於泰建宮室制度月令孟春

之月日在營室堯典曰乃令羲和欽若昊天厯象日月星辰敬授人時令曰乃命太史守典奉法司天日月星辰之行易曰不利爲寇利用禦寇令曰兵戎不起不可從我始書曰歲二月同律度量衡中春令曰日夜分則同度量鈞衡石凡此合於大歷唐政其類不可盡稱藏禮夏小正傳曰陰陽生物之後主事之次則夏之月令也殷人無文及周而備文義所說傳衍深遠宜周公之所著也官號職司與周官合周書七十二篇而月令第五十三古者諸侯朝正於天子受月令以歸而藏諸廟中天子藏之於明堂每

月吉朔朝廟出而行之周室既衰諸侯怠於禮韓文公廢  
告朔而朝仲尼譏之經曰閏月不告朔猶朝於廟刺舍太  
禮而拘小儀也自是告朔遂闕而徒用其羊子貢非廢其  
今而請去之仲尼曰賜也爾愛其羊我愛其禮庶聖王復  
興君人者昭而明之稽而用之耳無逆聽令無逆政所以  
臻乎大順陰陽和年穀豐太平洽符瑞由此而至矣秦相  
呂不韋著書取月令爲紀號淮南王安亦以取爲第四篇  
改名曰時則故偏見之徒或云月令呂不韋作或云淮南  
皆非也

家中  
臨集



月令

周公所作資暇集上

孟春之月

天之道陰陽各有少太是生四時少陽為春太陽為夏

少陰為秋太陰為冬也北堂書鈔百五十三

昏參中

中星當中而不中日行遲也未當中而中日行疾也注補

後漢書三

其日甲乙

法象莫大乎天地變通莫大乎四時縣象著明莫大乎日月故先建春以奉天奉天然後立帝立帝然後言佐言佐然後列昆蟲之列物有形可見然後音聲可聞故陳音有音然後清濁可聽故音鐘律音聲可以彰故陳酸醢之屬也書品以著五行爲用於人然後宗而祀之故陳五祀此以上者聖人記事之次也東風以下者効初氣之序也二者既立然後人君承天時行庶政故言帝者居處之宜衣服之制布政之節所明欽若昊天然後奉天時也

宋本禮記疏十四

大撓探五行之情占斗綱所建於星始作甲乙以名曰  
謂之幹作子丑以名曰謂之枝枝幹相配以成六旬注補

後漢書一

### 律中大簇

以法爲室三重戶閉塗墮必周密布緹縹室中以木爲  
案每律各一案內庫外高從其方位加律其上以葭灰  
實其端其月氣至則灰飛而管通宋本禮記疏十四

孟春月則大簇爲宮姑洗爲商蕤賓爲角南呂爲徵應  
鍾爲羽大呂爲變宮夸則爲變徵他月倣此隋書四十九

上古聖人始鎔金以鑄鐘以應正月至十二月之聲乃  
截竹爲管謂之律聲之清濁以律管之長短定之

北堂書鈔

律率也聲之管也中應也大簇鐘名上古本陰陽別風  
聲審清濁不可以文載口傳也故鑄金作鐘以正十二  
月之聲然後以効升降之氣而鐘不可用乃截竹爲管  
曰律爲清濁之率也正月之律與大簇相中也言出於  
鐘乃置深室葭葦爲灰以實其端其月氣旣至則灰飛  
管通古以鐘律齊其聲後人不能則數以正其度度正

則音亦正矣

宋本御覽十六

鍾以斤兩尺寸中所容受升合之數為法律亦以寸分大小長短為法故黃鐘之管長九寸孔徑三分圍九分其餘皆稍短唯大小圍數無增減以度量者可以文載口傳與眾法共知然不如耳決之明也

同上

其數八

東方有木三王五故數八

南齊書

獺祭魚

獺毛蟲西方白虎之屬水居而殺魚者也

爾雅翼二十一

以立春

孟春以立春為節驚蟄為中中必正其月節不必正其月據孟春之驚蟄在十六日以後立春在正月驚蟄在十五日以前立春在往年十二月

注補後漢書三

周天三百六十五度四分度之一分為十二次日月之所躔也地有十二分王侯之國也每次三十二度三十三分之十四日至其初為節至其中為中氣自危十度至壁八度謂之禾草之次立春驚蟄居之術之分野

同上

以迎春於東郊

迎春者禮昊天勾芒之神也於東郊就其位也邑外為  
 郊去邑八里因木數也周禮建國之神位兆五帝於四  
 郊以蒼珪禮東方以赤帝禮南方以白虎禮西方以元  
 黃禮北方皆有牲幣各放其方之色樂奏太簇歌青陽  
 冕執干戚舞雲翹育命所以尊收時和也宋本御覽五百二十八  
 宿離不貸

宿日所在離月所歷周學紀聞五

乃以元日

日幹也有事於天用日同上

乃擇元辰

辰支也有事於地用辰

南齊書九

躬耕帝籍

天子籍田千畝以供上帝之粢盛藉人力以成其功故

曰帝籍

初學記三

天子三推三公五推卿諸侯九推

卑者殊勞故三公五推禮自上下下降殺以兩勞事反之諸侯上當有孤卿七推大夫十二王終畝可知也

注補

後漢書四



善相邱陵阪險原隰土地所宜

邱陵原隰阪險撻而曰地北堂書鈔百五十七

色別曰土宋本御覽三十七

天氣下降

天有純陽積剛運轉無窮其體運行包地之外北堂書鈔百四

九十

天左旋出地上而西入地下而東其繞北極七千度常

見不伏同上

習舞

樂容曰舞有俯仰張翕行綴長短之制

藝文類聚四十三

天子省風以作樂舞所以節八音而行八風天子八佾諸侯六佾大夫四佾佾列也每佾八人每服冕而執戚

宋本御覽五百七十四

掩骼埋胔

露骨曰骼有肉曰胔

宋本禮記疏十四

則水潦為敗

太陰新休少陽尚微而行冬令以導水氣故水潦至而

敗生物也

舊唐書八十九

大擊

擊折傷

黃震曰抄十六

首種不入

麥以秋種故謂之首種入收也春為沍寒所傷故至夏

麥不成

舊唐書八十九

太陰干時雨雪而霜故傷首種

通典七十六

始雨水

自壁八度至胃一度謂之降婁之次雨水春分始之經

之分野

注補後漢書三

元鳥至至之日以太牢祀于高禴

高尊也禴祀也吉事先見之象也蓋爲人所祈子孫之祀元鳥感陽而至其來主爲宇乳蕃滋故重其至曰因以用事契母簡狄蓋以元鳥至日有事高禴而生契焉故詩曰天命元鳥降而生商同上

后妃帥九嬪御

后妃將嬪御皆會於高禴以祈孕姓初學記十

乃禮天子所御

天子所御謂后妃已下至御妾孕姓有萌芽者也同上

月令新義卷二十四  
三  
帶以弓韞

韞弓衣同上

授以弓矢于高禩之前

飲以醴酒帶以弓矢于高禩之前弓矢者男子之事也

同上

日夜分

星見爲夜日入後三刻日出前三刻皆屬晝晝有五十

六刻夜有四十四刻宋本禮記疏十五

雷乃發聲

季冬雷在地下則雉應而雉孟春動於地之上則蟄蟲  
應而振出至此升而動於天之下其聲發揚也上同

毋竭川澤

衆流注海曰川廣韻二

毋焚山林

叢木曰林宋本御覽五十七

習樂

樂聲曰歌藝文類聚四十三

律中姑洗

以姑洗爲角南呂爲羽則微濁也

注補後漢書一

桐始華

木之後華者也

卑雅十四

虹始見

虹蜺蜺也陰陽交接之氣著於形色者也雄曰虹雌曰蜺常依陰雲而晝見於日衝無雲不見大陰亦不見率以日西見於東方故詩云蜺蜺在於東蜺常在於旁四時長有之唯雄虹見藏有月

藝文類聚二

夫陰陽不和婚姻失序即生此氣

初學記二

乃告舟備具

備謂楫推綿繩維引之具

宋本御覽七  
百六十八

天子始乘舟薦鮪于寢廟

陽氣和暖鮪魚時至將取以薦寢廟故因是乘舟祓於  
名川也論語暮春浴乎沂泊上及下古有此禮今三月  
上巳祓於水濱蓋出此也

宋書  
十五

句者畢出

掩飛禽曰畢

宋本御覽八  
百三十二

鳴鳩拂其羽



鷓鴣也鳩先是時鳴故稱鳴鳩拂猶搏也陽氣所感故

搏羽坤雅

戴勝降于桑

以動民事也同上

審五庫之量

審者審所用多少也一曰車庫二曰兵庫三曰祭器庫

四曰樂庫五曰宴器庫初學記二十四

金鐵皮革

去毛曰革犀兕水牛之屬以為甲楯鼓鞀宋木御覽三百五十七

季春

自胃一度至畢六度謂之大梁之次清明穀雨居之趙

之分野

注補後漢書三

則天多沈陰

陰者密雲也沉者雲之重也

宋本文選注三十九

兵革並起

洪範經云兵革並起兵謂兵刃革謂甲楯

宋本御覽三百五十七

其數七

南方有火二土五故數七

南齊書十一

王黃生

黃草名生於陵也宋本御覽九百九十八

苦菜秀

苦蕒菜吳澄月令七十二候集解

不榮而實謂之秀宋本御覽九百九十七

以立夏

自畢六度至井十度謂之實沈之次立夏小滿居之晉

之分野注補後漢書三

以迎夏于南郊

迎夏者禮爰帝祝融神也于南郊七里因火數也王用  
赤牲幣各倣其色樂奏中宮歌朱明其他皆如孟春也

未木御覽五  
百二十八

命太尉

太尉卿官同上二  
百七

麥秋至

百穀各以其初生為春熟為秋故麥以孟夏為秋

類聚  
九

祝穆  
事文

則蝗蟲

十 蝻類乳於土中深埋其卵江東謂之蚱蜢善害田稗雅

### 小暑至

自柳三度至張十二度謂之鶉火之次小暑大暑居之

周之分野注補後漢書三

### 螳螂生

蟲名食蟬殺蟲宋本御覽九百四十六

### 鵙始鳴

賜伯勞伯勞趙應時而鳴爲陰候也宋本御覽九百二十三

均琴

凡絃之緩急為清濁琴緊其絃則清漫則濁宋本文選注十八

瑟

瑟前其柱則清却其柱則濁宋本御覽五百七十六

管

形長尺圍寸有孔無底宋書十九

其器今亡通典百四十四

簫

編竹有底宋書十九

長則濁短則清以臘蜜實其底而增減之則和管而成

音定無所復調當與琴瑟相參

藝文類聚  
四十四

以蜜臘實其底

事文類聚  
二十三

大者二十三管小者十六管

通典百  
四十四

筩

簾竹也六孔有距橫吹之上

天子乃以雛管黍

此時黍新熟今蟬鳴黍是也

宋本禮記  
注疏十六

門閭

門謂城門間謂二十五家爲閭

同上

闕

闕在境所以察出禦入

藝文類聚六

曰長至

自井十度至柳三度謂之鶉首之次芒種夏至居之秦

之分野

注補後漢書三

夏至之爲極有三意焉晝漏極長去極極近暑景極短

同上

君子齋戒



君子謂人君以下至在位士也齋戒所以敬道萌陰也  
處必掩身處猶居也掩隱翳也陰既始萌故君子居處  
不顯露恐干陰也毋躁者躁動也既不顯露又不得躁  
動宜靜以安萌陰也

宋本禮記疏十六

方齋戒故止色內御之屬勿或有所進也

同上

則霽凍傷穀

雨凝曰霽

北堂書鈔百五十二

以祠宗廟社稷之靈

稷秋夏乃熟歷四時備陰陽穀之貴者

注補後漢書九

蟋蟀居壁

蟋蟀蟲名螽斯莎雞之類世謂之蜻蛉藝文類聚九十七

大雨時行

大雨時行行降也從土潤以下皆為下句宋本禮記疏十六

可以糞田疇

穀田曰田麻田曰疇言爛草可以糞田使肥也同上

中央土

南郊五里因土數也注補後漢書八

其數九

西方有金四土五故數九

南齊書十一

白露降

露者陰液也釋為露結為霜

北堂書鈔百五十二

寒蟬鳴

鳴則天涼

卑雅十一

以立秋

自張十二度至軫六度謂之鶉尾之次立秋處暑居之

楚之分野

注補後漢書三

以迎秋于西郊

迎秋者禮少皞蓐收之神于西郊九里因金數也玉用  
白虎牲幣各倣其色樂奏夷則歌白藏其他如孟夏之

禮宋本御覽五  
百二十八

育風至

秦人謂蓼風爲育風初學  
記三

秦人謂之蓼花風陳元龍歲  
時廣記三

養衰老

五更當爲五更更長老之稱也其字似更書有轉誤  
字女傍更今皆以爲更矣宋本御覽五  
百三十五

三老國老也五更庶老也

通典六十七

冠帶有常

冠首飾也

宋本文選注四

日夜分

自軫六度至亢八度謂之壽星之次白露秋分居之鄭

之分野

注補後漢書三

爵入大水

凡鳥生于水

宋本御覽九百十四

鞠有黃華

菊草名也有者非所有也黃華者土氣之所成也季秋草木皆成非榮華之時也故言菊有朋他無有也爾雅翼三于神倉

穀藏曰倉米藏曰廩宋本文選注七

霜始降

自亢八度至尾四度謂之大火之次寒露霜降居之宋

之分野注補後漢書三

習吹

習吹笙所以通氣也管簫竽笙皆以吹鳴者也樂書百二十三

以習五戎

寄戎事之教於田獵武事不可空設必有以誠故寄教于田獵閑肄五兵天子諸侯無事而不田爲不敬田不以禮爲暴天物周禮司馬以旌致民平列陣如戰之陣主執路鼓諸侯執賁鼓軍將執晉鼓師帥執提旅師執鼙卒長執鐃兩司馬執鐸公司馬執鐃以教坐作進退疾徐疏數之節士卒聽聲視旗隨而前却故曰師之耳目在我旗鼓春教振旅以蒐田夏教蒐舍以苗田秋教治兵以獮田冬教大閱以狩田春秋示行禮取禽供事

而已秋者教時田獵之正其禮盛法補後漢書五

執弓挾矢以獵

親執弓以獵所以教兆民載戰事也四時閑習以救無

辜以伐有罪所以強兵保民安不忘危也同上

獵捷也言以捷取之初學記十二

天子乃以犬嘗稻

十月穫稻人君嘗其先熟故在季秋九月熟者謂之平

夏稻同上二十七

黍稷之月



冬終也萬物於是終也同上

其蟲介

介者甲也謂龜蟹之屬傳肱蟹請上

其數六

北方有水一土五故數六南齊書十一

以立冬

自尾四度至斗六度謂之析木之次燕之分野注補後漢書三

以迎冬于北郊

迎冬者禮顓頊元冥之神也于北郊六里因水數也玉

用元牲幣各倣其色樂奏應鍾歌元英其他如立秋禮

宋本節覽五

百二十八

命太史繫憲筴

大卜官各以牲祠龜筴塗以牲血謂之繫同上七百二十六

修鍵關

鍵關牡也所以止扉或謂之刻移顏氏家訓下

天子乃祈來年

日爲陽宗月爲陰宗北辰爲星宗也宋本禮記疏十七

臘先祖五祀

夏曰清祀殷曰嘉平周曰蜡秦曰臘同上

日短至

自斗六度至須女二度謂之星紀之次大雪冬至居之

越之分野

注補後漢書三

冬至之為極有三意焉晝漏極短去極極遠晝景極長

極者至而還之辭也同上

芸始生荔挺出

荔似挺

顏氏家訓下

荔馬薤

月令七十二候集解

蚯蚓結

結猶屈也蚯蚓出穴屈首下嚮陽氣氣動則死而上首

故其結而屈也

宋本禮記疏十七

雉雉

雷在地中雉性精剛故獨知之應而鳴也

蔡卞毛詩名物解七

大難

日行北方之害北方太陰恐爲所折故命有司大儻所

以扶陽抑陰也

注補後漢書五

月窮于紀

紀還復故厯

同上

星回于天

天官五獸之于五事也左有蒼龍大辰之貌右有白虎  
大梁之文前有朱雀鶉火之體後有玄武龜蛇之質中  
有大角軒轅麒麟之信

宋本御覽七

出土牛

是月之會建丑丑爲牛寒將極故出其物類形象以示  
送達之且以升陽也

通典七十八

季冬

自須女二度至危十度謂之元枵之次小寒大寒居之

齊之分野

通鑑音注  
五十九

### 月令問答

問者曰子何爲著月令說也予幼讀記以爲月令體大經同不宜與記書雜錄並行而記家記之又畧及前儒特爲章句者皆用其意傳非其本旨又不知月令徵驗布在諸經周官左傳實與禮記通他議橫生紛紛久矣光和元年余被謗章罹重罪徙朔方內有獫狁敵衝之讎外有寇虜鋒鏑之艱危險凜凜死亡無日過被學者聞家就而考之

亦自有所覺悟庶幾頗得事情而訖未有注記著於文字也懼顛蹶隕墜無以示後同於朽腐竊誠思之書有陰陽升降天文歷數事物制度可假以爲本敦辭托說審求歷象其要者莫大於月令故遂於憂怖之中晝夜密勿昧死成之旁貫五註參互羣書至及國家律令制度遂定歷數盡天地三光之情辭繁多而蔓衍非所謂理約而達也道長曰短危殆兢惕取其心盡而已故不能復加刪省蓋所以探賸辨物庶幾多識前言往行之流苟便學者以爲可覽則余死而不朽也

問者曰子說月令多類周官左傳假無周官左傳月令爲無說乎曰夫根抵植則枝葉必相從也月令與周官並爲時王政令之記異文而同體官名百職皆周官解月令甲子沈子所謂似春秋也若夫木昊尊收勾芒祝融之屬左傳造義立說生名者同是以用之

問者曰旣用古文於歷數乃不用三統用四分何也曰月令所用參諸歷象非一家之事傳之於世不曉學者宜以當時所施行夫密近者三統已疎濶廢弛故不用也問者曰旣不用三統以驚蟄爲孟春春中雨水爲二月節



皆三統法也獨用之何曰孟春月令曰蟄蟲始震在正月也中春始雨水則雨水二月也以其合故用之

問者曰歷云小暑季夏節也而今文見於五月何也曰今不以歷節言據時始暑而記也歷於大雪小雪大寒小寒皆去十五日然則小暑當去大暑十五日不得及四十五日不以節言據時暑也

問者曰中春令不用犧牲以圭璧更皮幣不犧牲何也曰是月獻羔以太牢祀高禘宗廟之祭以中月安得用犧牲祈者求之祭也著令者豫設水旱疫癘當禱所用犧牲者

是用之助生養傳所以幣代牲章因於高禘之事乃造說  
曰更者刻木代牲如廟有祧更此說自欺極矣經典傳記  
無刻木代牲之說蓋書有轉誤三豕渡河之類也

問者曰中冬令曰奄尹申宮令謹門閭今日門闕何也曰  
闕尹者內官也主宮室出入宮中宮中之門曰闕闕尹之  
職也閭里門非闕尹所主知當作闕也

問者曰令曰七騶咸駕今日六騶何也曰本官職者莫正  
於周官周官天子馬六種種別有騶故知六騶左氏傳晉  
程鄭爲乘馬御六騶屬焉無言七者知當爲六也

問者曰令以中秋築城郭於經傳爲非其時詩曰定之方中作于楚宮定營室也九月十月之交西南方中故傳曰小昏正而裁築卽營室也昏正者昏中也裁築者栽木而始築也今文在前月不合於經傳也

問者曰子說三難皆以日行爲本古論周官禮記說以爲但逐惡而已獨安所取之曰取之於月令而已四時通等而夏無難文由日行也春行少陰秋行少陽冬行太陰陰陽皆使不於其類故冬春難以助陽秋難以達陰至夏節太陽行太陰自得其類無所扶助獨不難取之於是也

問者曰反令每行一時轉三旬以應行三月政也春行夏  
令則雨水不時謂孟夏也草木蚤枯中夏也國乃有恐季  
夏也今總合爲一事不分別施之於三月何也曰說者見  
其三旬不得傳注而爲之說有所滯礙不得通矣孟秋又  
令行冬令則草木枯後乃大水敗其城郭卽分爲三事然  
乃大水在誰後也城郭爲獨自壞非水所爲也季冬令曰  
行春令則胎夭多傷民多蠱疾命之曰逆卽分爲三事行  
季冬令爲不感災異但命之曰逆也知不得斷絕分應二  
月也其類皆如此令之所述畧舉其尤者也

問春食麥羊夏食菽雞秋食麻犬冬食黍豕之屬但以爲時味之宜不合於五行月令服食器械之制皆順五行者也說所食獨不以五行不已畧乎曰蓋亦思之矣凡十二辰之禽五時所食者必家人所畜丑牛未羊戌犬酉雞亥豕而已其餘龍虎以下非食也春木王木勝土土王四季四季之禽牛屬季夏犬屬季秋故未羊可以爲春食也夏火王火勝金故酉雞可以爲夏食也季夏土王土勝水故食豕而食牛土五行之尊者牛五畜之大者四行之牲無足以配土德者故以牛爲季夏食也秋金王金勝木寅虎

非可食者犬豕而無角虎屬也故以犬爲秋食也冬冰王  
水勝火當食馬而禮不以馬爲牲故以其類而食豕也然  
則麥爲木菽爲金麻爲火黍爲水各配其牲爲食也雖有  
此說而米鹽精粹不食于易卦所爲之禽及洪範傳五事  
之畜近似卜筮之術故子畧之不以爲章句聊以應問見  
有說而已

問記曰三老五更子獨曰五更周禮曰八十一御妻今日  
御妾何也曰字誤也更長老之稱其字與更相似書者轉  
誤遂以爲更嫂字女旁瘦字從更今皆以爲更矣立字法

者不以形聲何得以爲字以嫂瘦推之知是更爲更也妻  
者齊也惟一適人稱妻其餘皆妾位最在下是以不得言

妻云也

蔡中郎集

嘉慶壬申夏四月乙巳朔江  
都秦嘉謨編刻於琳琅仙館

粹編卷二十四終